



ახალი განათლება

2015 წელი, 4 - 10 ივნისი

ფასი 1 ლარი 50 თეთრი

№21 (695) პაემლის 1998 წლიდან

www.axaliganatleba.ge



საქართველოს ახალი იდეები, ახალი სახეები, ახლებურად განვითარება სჭირდება

რუბრიკის „ქართველი სტუდენტები უცხოეთში“ სტუმარია ჯაბა მესხიშვილი, კოპეას უნივერსიტეტის დოქტორანტი

გვერდი 4

მწერალი, რომელმაც ერთი ჩვეულებრივი მოსწავლე რადიკალურად შეცვალა



გვერდი 9

ინფორმაცია

საქართველო – ბირთვული კვლევის გაერთიანებული ინსტიტუტის წევრი ქვეყანა

ბირთვული კვლევების ევროპულ ორგანიზაციასთან თანამშრომლობის ახალი ეტაპი დაიწყება

გვერდი 3

პედაგოგთა დასახმარებლად

ქარაოქე

ფრანგული ენა

გვერდი 6

სასკოლო აქტივობა


კლუბური მუშაობის როლი სამოქალაქო განათლების სწავლებაში

გვერდი 8



ინფორმაცია

ბავშვთა დაცვის საერთაშორისო დღე



ბავშვთა დაცვის საერთაშორისო დღესთან დაკავშირებით, საქართველოს განათლებისა და მეცნიერების მინისტრი **თამარ სანიკიძე** ილიას სახელმწიფო უნივერსიტეტის ბოტანიკის ინსტიტუტში სპეციალური საგანმანათლებლო საჭიროების მქონე სკოლის მოსწავლეთა ნამუშევრების გამოფენას დაესწრო და, ბავშვებთან ერთად, სხვადასხვა აქტივობებში მიიღო მონაწილეობა.

საქართველოს განათლებისა და მეცნიერების სამინისტროს ორგანიზებით და ილიას სახელმწიფო უნივერსიტეტის მხარდაჭერით, 1 ივნისს, ბავშვთა დაცვის საერთაშორისო დღესთან დაკავშირებით, ბოტანიკის ინსტიტუტში სპეციალური საგანმანათლებლო საჭიროების მქონე სკოლის მოსწავლეთა ნამუშევრების გამოფენა მოეწყო, სადაც წარმოდგენილი იყო მათ მიერ შესრულებული ნახატები, ფოტოები და ხელნაკეთი ნივთები.

ამ დღესთან დაკავშირებით, პანკისიდან და სამცხე-ჯავახეთიდან ჩამოსულ სკოლის მოსწავლეებს ილიას სახელმწიფო უნივერსიტეტმა საინტერესო სამეცნიერო ტური მოუწყო. სპეციალურად მოწყობილ სტენდზე, მოსწავლეებს შეეძლოთ მონაწილეობა მიეღოთ სახალისო სამეცნიერო ექსპერიმენტებში ბიოლოგიისა და ქიმიური ბიოლოგიის მიმართულებით; ცდებში მონაწილე მოსწავლეები „დამწყები მეცნიერის“ სერტიფიკატებით დაჯილდოვდნენ. უნივერსიტეტის მომავლის სამრეწველო ინოვაციების ლაბორატორიის კუთხეში, სტუმრები, 3D პრინტერით, სხვადასხვა ნივთების დამზადების პროცესს ეცნობოდნენ. მთელი დღის განმავლობაში მოსწავლეებისთვის მუშაობდა კომპიუტერული თამაშების ლაბორა-

ტორიის კუთხე, სადაც ოკულუსების საშუალებით მსურველებს შესაძლებლობა ჰქონდათ, ვირტუალურად გაცნობოდნენ უნივერსიტეტში მოქმედ სხვადასხვა ლაბორატორიას. სამეცნიერო სტენდზე მოსწავლეებმა დაათვალიერეს ილიას სახელმწიფო უნივერსიტეტის ლექტორებისა და სტუდენტების მიერ დამზადებული დანადგარები, მათ შორის, სეისმურობის საზომი მოწყობილობა.

მოსწავლეებმა ბოტანიკის ინსტიტუტში არსებული ლაბორატორია და ჰერბარიუმიც დაათვალიერეს და მონაწილეობა მიიღეს სხვადასხვა შეჯიბრებებში, რომელიც ილიას სახელმწიფო უნივერსიტეტის ბავშვის განვითარების ინსტიტუტის რეკომენდაციით შემუშავდა.

ლონისძიებს მუსიკალურად ილიას სახელმწიფო უნივერსიტეტის ვოკალური ჯაზ-ბენდი აფორმებდა.

თამარ სანიკიძე: „პირველ რიგში, ყველას ვულოცავ დღევანდელ დღეს – ბავშვთა უფლებების დაცვის საერთაშორისო დღეს. ყველანი უნდა გავერთიანდეთ იმისათვის, რომ ჩვენი წვლილი შევიტანოთ მსოფლიოში არსებული პრობლემების მოგვარებაში, უზრუნველყოთ ბავშვთა უფლებების დაცვა, მათი ინტერესების წინა პლანზე წამოწევა. ამისთვის ყველაფერი უნდა გავაკეთოთ, მიუხედავად იმისა, ვიქნებით პოლიტიკაში თუ საზოგადოებაში, ეს თითოეული ჩვენგანის მოვალეობაა.“

დღეს აქ ვიხილეთ გამოფენა, რომელიც შესრულებულია სპეციალური საგანმანათლებლო საჭიროების მქონე ბავშვების მიერ; ნახატები, მხედველობადაქვეითებულმა ბავშვებმა შექმნეს. არაჩვეულებრივად ნიჭიერი ბავშვები გვყავს, მათ

ხელშეწყობა და მხარდაჭერა სჭირდებათ. ისინი მონდომებულნი არიან, რომ იყვნენ მონაწილენი. ჩვენ მუდმივად მათ სამსახურში ვიქნებით.“

ვიქტორ ბოისა, კალათბურთელი: „ვულოცავ ბავშვებს დღევანდელ დღეს, არა მარტო აქ შეკრებილებს, ყველას. დავათვალიერე გამოფენა და აღფრთოვანებული ვარ, ძალიან ნიჭიერი ბავშვები არიან. ვუსურვებ მათ ყველაფერს საუკეთესოს.“

ეკა მიშველაძე, „პირველი სტუდიის“ წამყვანი: „ძალიან მიხარია, რომ სხვადასხვა უწყებები, კერძოდ სახელმწიფო ორგანიზაციები, იცლიან იმისათვის, რომ ბავშვებს საჩუქრები გაუკეთონ, მიულოცონ, გაახალისონ მათი ცხოვრება. განსაკუთრებით იმ ბავშვების, ვისაც ყველაზე მეტად აკლია ჩვენი ყურადღება. ყოველთვის სიხარულით ვმონაწილეობ მსგავს ღონისძიებებში. ყველა ბავშვს ვუსურვებ ჯანმრთელობას, ბედნიერებას და იმედი მაქვს, ჩვენ შევძლებთ, რომ მათ ბედნიერ ქვეყანაში იცხოვრონ.“

ზვიად ძიძიგური, დეპუტატი: „მინდა დიდი სიყვარულით და სიხარულით მივულოცო ბავშვებს დღევანდელი დღე. ასევე, მინდა გამოთქვა სიხარული, რომ წელს უფრო მეტი ბავშვი დაიბადა ჩვენს ქვეყანაში, ვიდრე 2013-ში. სასიხარულოა, ასევე, რომ ბავშვებს აქვთ შესაძლებლობა, მოაწყონ თავიანთი ნახატების, ნამუშევრების გამოფენა. დღეს ძალიან კარგი ღონისძიება შემოგვთავაზა განათლების სამინისტრომ. მინდა ყველა ბავშვს ვუსურვო, რომ ჰქონდეს ისეთი ქვეყანა და იმის შესაძლებლობა, რომ სათანადო განათლება მიიღოს და მაქსიმალურად გამოადგეს თავის ხალხს.“



სახელმწიფო ადმინისტრირების სკოლის მსმენელებს სერტიფიკატები გადაეცა

ზურაბ ჟვანიას სახელობის სახელმწიფო ადმინისტრირების სკოლაში მსმენელთა გამოცდების ცერემონია გაიმართა. საქართველოს სხვადასხვა რეგიონში დასაქმებულ 74 საჯარო მოხელეს დარგობრივი კურსების დასრულების დამადასტურებელი სერტიფიკატები საქართველოს განათლებისა და მეცნიერების მინისტრის პირველმა მოადგილემ **ქეთევან ნატარიაშვილმა** და საქართველოს პარლამენტის წევრმა **ელისო ჩაფიძემ** გადასცეს.

ზურაბ ჟვანიას სახელობის სახელმწიფო ადმინისტრირების სკოლაში მსმენელთა გადამზადება შემდეგი მიმართულებით წარმოებს:

- საჯარო ორგანიზაციების მართვა;
- ფინანსური მენეჯმენტი და შიდა აუდიტი საჯარო მოხელეთათვის;
- სახელმწიფო შესყიდვები;
- ადამიანური რესურსების მართვა და საქმისწარმოება საჯარო სექტორში.

ზურაბ ჟვანიას სახელობის სახელმწიფო ადმინისტრირების სკოლის მიზანია, ხელი შეუწყოს სახელმწიფო სტრატეგიის განხორციელებას, რომელიც ადგილობრივი თვითმმართველობის ორგანოებში, მათ მიერ მართულ სამეწარმეო და არასამეწარმეო ორგანიზაციებში, აღმასრულებელი ხელისუფლების დაწესებულებათა ტერიტორიულ ორგანოებში დასაქმებულ პირთა გადამზადებას და კვალიფიკაციის

ამაღლებას ითვალისწინებს. სკოლის პროორიტეტია ეთნიკური უმცირესობებით კომპაქტურად დასახლებულ და მალაღმთიან რეგიონებში, საჯარო მოსამსახურეთა გადამზადების გზით, კვალიფიციური კადრების დეფიციტის დაძლევა.

ეთნიკური უმცირესობების საერთო საჯარო სივრცეში ინტეგრაციას მ რეგიონული სასწავლო ცენტრი ემსახურება, რომელიც სამცხე-ჯავახეთში, ქვემო ქართლსა და კახეთში ფუნქციონირებს. რეგიონულ ცენტრებში სახელმწიფო ენის შემსწავლელი პროგრამა საჯარო სექტორში დასაქმებული პირებისთვის ხორციელდება. სახელმწიფო ენის კურსის მიზანია, მსმენელებმა გაიღრმავონ ცოდნა, რათა სრულყოფილად შეძლონ სამსახურეობრივი მოვალეობის შესრულება, წერილებისა და სხვადასხვა დოკუმენტების შედგენა.

რეგიონული ცენტრების წარმატებულ კურსდამთავრებულებს ქუთაისში, ზურაბ ჟვანიას სახელობის სახელმწიფო ადმინისტრირების სკოლაში, სახელმწიფო ენის ინტენსიური კურსის გავლისა და დარგობრივ კურსებზე სწავლის გაგრძელების საშუალება ეძლევა.

ქეთევან ნატარიაშვილი: „ზურაბ ჟვანიას სახელობის სახელმწიფო ადმინისტრირების სკოლას ძალიან მნიშვნელოვანი როლი აკისრია ეთნიკური უმცირესობებით დასახლებული და მალაღმთიანი რეგიონების თვითმმართველობაში დასაქ-

მებული კადრების კვალიფიკაციის ამაღლების კუთხით. ამ მხრივ, სკოლას განათლებისა და მეცნიერების სამინისტროს სრული მხარდაჭერა აქვს. გადამზადება ყველა პროგრამა და გამუდმებით მიმდინარეობს მუშაობა მათი განვითარებისა და დახვეწის მიზნით.“

დავით დგალი, საკრებულოს თავმჯდომარე: „დარწმუნებული ვარ, ყველა, ვინც ამ სკოლაში გაივლის მომზადებას, ღირსეულად და ხარისხიანად შეასრულებს თავის სამუშაოს. რაც შეეხება თავად სკოლას, მიმანია, რომ სახელმწიფოებრივი მნიშვნელობის საქმის მაკეთებელი ერთ-ერთი ყველაზე საუკეთესო უწყებაა. მნიშვნელოვანია ამ სკოლაში განხორციელებული ყველა პროექტი, ეხება მალაღმთიან რეგიონებს თუ ეთნიკური უმცირესობებით დასახლებულს. იგივე შეიძლება ითქვას სწავლების ფორმატზეც, ყველა პროგრამაზე, რომელიც აქ მუშავდება. ვფიქრობ, რომ ასე გაგრძელდება მომავალშიც და არა მხოლოდ გაგრძელდება, ზრდის ტენდენციაც ექნება.“

თამაზ ხარატიშვილი: „გავიარე ზურაბ ჟვანიას სახელობის სახელმწიფო ადმინისტრირების სკოლა ფინანსური მენეჯმენტისა და შიდა აუდიტის საკითხებში. ეს სკოლა კვალიფიციური პედაგოგებითა და კომპლექტებული. მისი გავლა აუცილებელია ყველა საჯარო მოხელისთვის, რადგან აქ ისეთ თვისებებს იძენ, რომლებიც საჯარო მოხელისთვის აუცილებელი კომპონენტებისგან შედგება.“

ინფორმაცია

საქართველო – ბირთვული კვლევის გაერთიანებული ინსტიტუტის წევრი ქვეყანა

საქართველოში სამუშაო ვიზიტით იმყოფებიან ბირთვული კვლევის გაერთიანებული ინსტიტუტის (დუბნა) წევრი ქვეყნების წარმომადგენლები. მათი მონაწილეობით, საქართველოს ტექნიკურ უნივერსიტეტში მრგვალი მაგიდა გაიმართა, რომელსაც საქართველოს განათლებისა და მეცნიერების მინისტრი **თამარ სანიკიძე** დაესწრო. შეხვედრაზე იმსჯელეს ბირთვული კვლევის გაერთიანებულ ინსტიტუტთან ჩვენი ქვეყნის თანამშრომლობის შედეგებზე, პერსპექტივებზე, ერთობლივ პროექტებსა და ამ პროექტებში ქართველი ფიზიკოსების ჩართვის თაობაზე.

ბირთვული კვლევის გაერთიანებული ინსტიტუტი წარმოადგენს საერთაშორისო სახელმწიფოთაშორის სამეცნიერო-კვლევით ორგანიზაციას, რომლის კვლევის სფეროა ბირთვული ფიზიკა. ინსტიტუტში გაერთიანებულია მსოფლიოს 18 ქვეყანა, მათ შორის საქართველო. ინსტიტუტი თანამშრომლობს საერთაშორისო ორგანიზაციებთან: Fermilab (აშშ), KEK (იაპონია), CERN (შვეიცარია) და DESY (გერმანია), მსოფლიოს 700-მდე სამეცნიერო-კვლევით ცენტრთან და 60 უმაღლეს სასწავლებელთან; აქტიურადაა ჩართული საერთაშორისო პროექტებში (LHC, FAIR, XFEL).

საქართველოს თითქმის ყველა სამეცნიერო-კვლევითი ინსტიტუტი, რომელიც მუშაობს ფიზიკა-მათემატიკის დარგში, წარმატებით თანამშრომლობს დუბნის კვლევით ინსტიტუტთან, რომელიც მნიშვნელოვან როლს თამაშობს ქართველი ფიზიკოსების დასაქმებაში და მათ ჩართვაში საერთაშორისო პროექტებში. დღეისათვის, 30-მდე ქართველი მეცნიერი წარმატებით მონაწილეობს აღნიშნული ინსტიტუტის კვლევით ლაბორატორიებში, მათთვის გახსნილია გზა მსოფლიოს მონივრულ საერთაშორისო პროექტებში.

ქართველ მეცნიერებს საშუალება აქვთ, ისარგებლონ ბირთვული კვლევის გაერთიანებული ინსტიტუტის დიდი საინფორმაციო ბაზით. ინსტიტუტთან არსებული სასწავლო-სამეცნიერო ცენტრი უნიკალური საშუალებაა ქართველი ასპირანტებისთვის გაიარონ პრაქტიკა და მიიღონ საერთაშორისო გამოცდილება.

სტუდენტებისთვის შექმნილია სპეციალური პირობები იმისთვის, რომ მათ შეძლონ როგორც თეორიული ცოდნის გაღრმავება, ასევე პრაქტიკული უნარ-ჩვევების შექმნა და აქტიურად ჩართვა ინსტიტუტის სხვადასხვა ლაბორატორიების კვლევით საქმიანობაში.

ბირთვული კვლევის გაერთიანებული ინსტიტუტი მუდმივად ვითარდება საერთაშორისო მოთხოვნების მიხედვით. ინსტიტუტის განვითარების სტრატეგია მოიცავს: ახალი საბაზო დანადგარების შექმნას, არსებულთა განახლება-მოდერნიზირებას და საერთაშორისო პროექტებში აქტიურ მონაწილეობას, რომელთაგან აღსანიშნავია შემდეგი: CERN (შვეიცარია), KEK (იაპონია), GSI (გერმანია), FNAL, BNL (აშშ) და ითვლისწინებს ახალი სამუშაო ადგილების შექმნას. საქართველოს, როგორც სრულყოფილებიან წევრს, აქვს შესაძლებლობა, უფრო მეტი სპეციალისტი ჩართოს და დაასაქმოს საერთაშორისო პროექტებში.

თამარ სანიკიძე: „ბირთვული კვლევების საერთაშორისო სახელმწიფოთაშორის სამეცნიერო-კვლევით ორგანიზაცია დღეს კონფერენციას მართავს საქართველოში, რაც, თავისთავად, უკვე კარგია. საინტერესოა ის მასშტაბური პროექტი, რომელიც ახლა იწყება და, ვფიქრობ, მათი მოღვაწეობის ისტორიაში ერთ-ერთი ყველაზე მნიშვნელოვანი პროექტია. მის ფარგლებში, აშენდება ახალი კოლაიდერები და შესაბამისად, მომზადდება ახალი მატერიალურ-ტექნიკური ბაზა, რაც ძალიან ხანგრძლივი და შრომატევადი პროცესია.“

რაც ყველაზე მთავარია, ისეთ ქვეყნებთან ერთად, როგორებიცაა: ამერიკა, შვეიცარია, კანადა, ევროპის სხვადასხვა ქვეყნები, პროექტში ჩართული იქნება საქართველო, როგორც ამ ორგანიზაციის სრულყოფილებიან წევრი. საუბარია არა მხოლოდ ინტელექტუალურ ან მეცნიერთა ჩართულობაზე, არამედ კონკრეტული დაკვეთების შესრულებაზე, რაც ძალიან მნიშვნელოვანია ჩვენი ქვეყნის ეკონომიკისთვის და ისეთი დარგის განვითარებისთვის, როგორც მანქანათმშენებლობა. პროექტში, თავიდან ბოლომდე, ჩართუ-



ლი ვიქნებით ტექნიკური უნივერსიტეტის ვეგით. ბოლომდე მივყავით პროცესებს, რომლიდანაც ძალიან დიდი სარგებელი უნდა მიიღოს როგორც სამეცნიერო საზოგადოებამ, ასევე ზოგადად ქვეყანამ.“

არჩილ ფრანგიშვილი, საქართველოს ტექნიკური უნივერსიტეტის რექტორი: „დღეს ტექნიკურ უნივერსიტეტში ტარდება მრგვალი მაგიდა, რომელიც ფუნდამენტური და გამოყენებითი ფიზიკის საკითხებს ეძღვნება. მინდა აღვნიშნო, რომ დუბნის გაერთიანებული კვლევითი ბირთვული ინსტიტუტი იწყებს ახალი კოლაიდერის მშენებლობას. ეს უმსხვილესი პროექტია და სასიამოვნოა, რომ დღეს მოხდა შეთანხმება დუბნისა და ტექნიკურ უნივერსიტეტს შორის, რომლის თანახმადაც ჩვენ მონაწილეობას მივიღებთ 4-მილიონიან პროექტში. საქართველოში დამზადდება ნაწილები კოლაიდერისთვის. ეს ძალიან მნიშვნელოვანია არა მარტო ტექნიკური უნივერსიტეტისთვის, არამედ ქვეყნისთვის, რადგან ეს ნიშნავს ძალიან მაღალი ტექნოლოგიების შემოტანას საქართველოში.“

იოშიტაკა კუნო, ოსაკას უნივერსიტეტის

პროფესორი: „ჩვენი უნივერსიტეტი, ფიზიკის დარგში, თანამშრომლობს თბილისის ივ. ჯავახიშვილის სახელმწიფო და საქართველოს ტექნიკურ უნივერსიტეტებთან. ჩვენთან მიმდინარეობს ძალიან მნიშვნელოვანი ექსპერიმენტი და ქართველ ახალგაზრდა სპეციალისტებს ამ ექსპერიმენტში ჩართვის საშუალებას ვაძლევთ, მხარს ვუჭერთ საექსპერტო ჯგუფს საქართველოში.“

ვიქტორ მატვეევი, ბირთვული კვლევის გაერთიანებული ინსტიტუტის დირექტორი: „ეს ჩვენი პირველი ვიზიტია ტექნიკურ უნივერსიტეტში. ამ ვიზიტის ფარგლებში, შევხვდით განათლების მინისტრსა და ტექნიკური უნივერსიტეტის რექტორს. ჩვენი ინსტიტუტის საქმიანობაში ქართველი ფიზიკოსების კონტრიბუციები ძალიან დიდადაა დაფასებული. ამჟამად ვახორციელებთ ძალიან ამბიციურ საერთაშორისო პროექტს, რომელიც ახალ ქიმიურ ელემენტზე მუშაობას გულისხმობს. ქართველი მეცნიერები ფუნდამენტური ფიზიკის პროექტის აქტიური მონაწილეები გახდნენ, რაც მნიშვნელოვანია განათლებისა და მეცნიერების სფეროსთვის.“



ბირთვული კვლევის ევროპულ ორგანიზაციასთან (CERN) თანამშრომლობის ახალი ეტაპი დაიწყო

საქართველოში სამუშაო ვიზიტით იმყოფება ბირთვული კვლევების ევროპული ორგანიზაციის (CERN) პროექტის CMS მთავარი მენეჯერი **პიერლუიჯი პაოლუჩი,** რომელიც საქართველოს განათლებისა და მეცნიერების მინისტრს **თამარ სანიკიძეს** შეხვდა.

შეხვედრაზე საუბარი შეეხო პროექტის CMS ფარგლებში ქართულ უნივერსიტეტებთან მჭიდრო თანამშრომლობას, ცერნის პროექტებში ჩართული ქართველი პროფესორებისა და სტუდენტების საქმიანობას და მომავალ ერთობლივ პროექტებს. აღსანიშნავია, რომ შეხვედრაზე გამოიკვეთა ზოგიერთი პროექტის საქართველოში განხორციელების შესაძლებლობა, რაც ძალიან დიდ მიღწევად შეიძლება ჩაითვალოს. ამისათვის, საქართველოს ტექნიკური უნივერსიტეტის ბაზაზე, შეიძლება გაკეთდეს სპეციალური ლაბორატორიები, რომელიც აღჭურვილი იქნება თანამედროვე დანადგარებით, მოენწყობა გარემო, სადაც მნიშვნელოვანი კვლევითი სამუშაოები განხორციელდება.

ბირთვული კვლევების ევროპული ორგანიზაციის (CERN) ვეგით წარმოებული ყოველი სამუშაო საერთაშორისო მნიშვნელო-

ბისა და მასში მონაწილეობა ქვეყნის სამეცნიერო პოტენციალის აღიარებაა.

თამარ სანიკიძე: „2014 წლიდან საქართველოს კონტრიბუცია CMS-ის ექსპერიმენტში მნიშვნელოვნად გაზარდდა. დღეს ჩვენ ვისაუბრეთ იმ მიღწევებზე, რომლებიც ამ კონკრეტული პროექტის ფარგლებში გვაქვს. მნიშვნელოვანია, რომ ძალიან ბევრი ქართველი ახალგაზრდა უკვე სრულადაა ჩართული ამ პროექტის განხორციელებაში.“

ვისაუბრეთ ახალ შესაძლებლობებზეც, რომელიც აქ, ლოკალურად, საქართველოში შეიძლება გაკეთდეს ტექნიკური უნივერსიტეტის ბაზაზე, იქნება ეს ლაბორატორიების მოწყობა თუ სამუშაო ადგილების გაშენება იმისათვის, რომ მეცნიერებს, რომელთაც ჩვენ საქართველოს ტექნიკურ უნივერსიტეტში, ასე ვთქვათ, მოვუყარეთ თავი, შესაძლებლობა მიეცეთ, უფრო საფუძვლიანად და მიზანმიმართულად იმუშაონ ახალგაზრდებთან, რათა უზრუნველყონ მათი ჩართულობა ძალიან მნიშვნელოვან საერთაშორისო სამეცნიერო პროექტებში, მათ შორის ცერნში.“

პიერლუიჯი პაოლუჩი: „ჩვენ მჭიდრო თანამშრომლობა გვაქვს ქართულ უნივერსიტე-

ტებთან. მე დღეს აქ ვარ, რათა განათლების მინისტრს აღვუწერო, თუ როგორ მუშაობენ ქართველი პროფესორები და სტუდენტები ცერნში, რამდენად მნიშვნელოვან სამუშაოს ასრულებენ ისინი. ჩვენ გვაქვს ფორმალური

შეთანხმება იტალიასთან, რომლის საფუძველზეც, ვახორციელებთ ტექნოლოგიების, სტუდენტებისა და პროფესორების ტრანსფერებს. შეეცდებით, საქართველოშიც შექმნათ რაიმე მსგავსი.“



ქართული სტუდენტები უსსოთში

საქართველოს ახალი იდეები, ახალი სახეები, ახლებურად განვითარება სჭირდება



რუბრიკის სტუმარია ჯაბა მესხიშვილი, კომპანია უნივერსიტეტის დოქტორანტი

– ჯაბა, გვიამბე მოსწავლეობის პერიოდზე, რამდენად წარმატებული მოსწავლე იყავი, გარკვეულწილად, განსაზღვრა თუ არა სკოლაში შენი პროფესიული მომავალი?

– მოსწავლეობის პერიოდში თბილისის მე-5 საშუალო სკოლაში ვიყავი. სკოლაში ჩვეულებრივი მოსწავლე ვიყავი, ჩემი აზრით, არაფრით გამორჩეული სხვა მოსწავლეებისგან. ვსწავლობდი საშუალო დონეზე, ოღონდ მქონდა ჩემი „უცნაურობები“, იმ საგნების სწავლით, რომლებიც არ მიყვარდა (ძირითადად ტექნიკური საგნები), დიდად თავს არ ვიწუხებდი. ყველაზე მეტად მიყვარდა ისტორია-გეოგრაფია, ამიტომ ამ საგნებს განსაკუთრებული მონდომებით ვსწავლობდი, კლასგარეშე ლიტერატურასაც დიდი ინტერესით ვკითხულობდი. ჩემი პროფესიული არჩევანი სკოლას ნამდვილად არ განსაზღვრავს და არჩევანი დამოუკიდებლად გადაკეთე. წავიკითხე რამდენიმე წიგნი იაპონიის შესახებ და წაკითხულმა იმდენად დამაინტერესა, გადავწყვიტე იაპონური ენის შესწავლა, უკეთ რომ გამეცნო იაპონია, მისი ისტორია, კულტურა და ტრადიციები.

– შემდეგ სწავლას აგრძელებ თბილისის ივანე ჯავახიშვილის სახელობის სახელმწიფო უნივერსიტეტში, ირჩევ საკმაოდ საინტერესო სპეციალობას – აღმოსავლეთის ქვეყნების საერთაშორისო ურთიერთობის ექსპერტიზა (იაპონია)...

– დიახ, როგორც ზემოთ აღვნიშნე, იაპონიის შესახებ წაკითხული მქონდა გარკვეული სახის ლიტერატურა და იმდენად განსხვავებულ სამყაროდ მეჩვენა, რომ გადავწყვიტე უკეთ შეემეცნა. აბიტურიენტობის პერიოდში გავარკვიე, რომ თსუ-ში ისწავლებოდა იაპონიის ისტორია, კულტურა და, რაც მთავარია, იაპონური ენა. ამიტომ გადავწყვიტე, სწავლა ამ სპეციალობაზე გამეგრძელებინა. პროფესიის დასახელება საშუალებას მაძლევდა, მიღებული ცოდნა მომავალში გამომეყენებინა როგორც სამეცნიერო საქმიანობაში, ასევე დიპლომატიურ სფეროშიც. ორივე სფერო ძალიან საინტერესოდ მეჩვენებოდა.

– უმაღლესი განათლების მისაღებად აღმოსავლეთ აზიის ქვეყანას, კუნძულ-სახელმწიფოს – იაპონიას ირჩევ. რა გზა გაიარე საქართველოდან ამომავალი მზის ქვეყანამდე?

– თბილისის ივანე ჯავახიშვილის სახელობის სახელმწიფო უნივერსიტეტში ვსწავლობდი მაგისტრატურის პირველ კურსზე (მსოფლიოს ახალი და უახლესი ისტორიის სპეციალობაზე, შორეული აღმოსავლეთის ისტორიის განხილვა). სწორედ მაშინ, იაპონიის სახელმწიფომ გამოაცხადა კონკურსი იაპონია-

ში მკვლევრების გრანტზე და გადავწყვიტე, ბედი მეცადა. სიმართლე გითხრა, თავიდან ცოტა ველავადი, ბოლომდე დარწმუნებული არ ვიყავი, დავძლედი თუ არა კონკურსის პირობებს, რადგან ვთვლიდი, რომ იაპონური ენა სათანადო დონეზე არ ვიცოდი. მაგრამ წერილი გამოცდაც და გასაუბრების ეტაპებიც წარმატებით დავძლიე. თსუ-ში მიღებული იაპონიაში და გამემართა მოლაპარაკებები, რომ მივედე, როგორც მკვლევარი სტუდენტი. ასევე უნდა მომიქმენა პროფესორი, ვინც ჩემი ხელმძღვანელი იქნებოდა. საკმაოდ რთული პროცესი აღმოჩნდა. საბოლოოდ, ჩემთვის ერთ-ერთ ყველაზე სასურველ კობეს უნივერსიტეტმა წარმატებით დავასრულე მოლაპარაკება და თანხმობა მივიღე.

მკვლევრად ყოფნის პერიოდი, რომლის შემდეგაც მომიწია სამაგისტროს და სადოქტოროს მისაღები გამოცდების ჩაბარება, საკმაოდ რთული გამოდგა, საბედნიეროდ, ჩავაბარე. იაპონიაში ჩასვლამდე მეგონა, რომ, როგორც უცხოელ სტუდენტს, გამოცდებზე შეღავათი მექნებოდა, მაგრამ სპეციალობის გამოცდაზე მეც იმავე საკითხების წერა მომიწია, როგორც სხვა იაპონელ სტუდენტებს, განსხვავება მხოლოდ იაპონური ენის გამოცდაში იყო – უცხოელ სტუდენტებს ცოტა განსხვავებულ შეკითხვებზე მოგვინია პასუხების გაცემა. აი, ასეთი გრძელი და არც თუ ადვილი გზა გავიარე იაპონიამდე და დოქტორანტურამდე.

– ამჟამად კობეს უნივერსიტეტის დოქტორანტი ხარ (სპეციალობა – იაპონიის ახალი ისტორია), მიახლოე ამ უნივერსიტეტის შესახებ?

– იაპონიაში კობეს უნივერსიტეტი ერთ-ერთ ყველაზე ძლიერ და პრესტიჟულ უნივერსიტეტად ითვლება. მის სტუდენტად გახდომა მხოლოდ განსაკუთრებულად კარგი შედეგების მქონე აბიტურიენტებს შეუძლიათ. კობეს უნივერსიტეტი 1949 წელს დაარსდა. დღესდღეობით აქ 30 000 სტუდენტამდე სწავლობს. კურსდამთავრებულების მიერ კარგი სამსახურის პოვნის და საშუალო შემოსავლის მაჩვენებლის მიხედვით ერთ-ერთ მონივრულ იაპონიაში. ეს უნივერსიტეტი ბევრ წარმატებულ ადამიანს აქვს დამთავრებული, მაგალითად, იაპონიის ყოფილ პრემიერ-მინისტრ სოსუკე უნოს. კობეს უნივერსიტეტის ყოფილი მკვლევარი იყო შინია იამანაკა, რომელმაც 2012 წელს ნობელის პრემია მიიღო მედიცინის დარგში. აქ განათლება

აქვთ მიღებული, ასევე, მრავალი წარმატებული ბიზნეს-კორპორაციის მაღალი თანამდებობის პირებს და გამორჩეულ მეცნიერებს. უნივერსიტეტში გამორჩეულად ძლიერია იურიდიული და ეკონომიკური სპეციალობები.

– რა როლი უჭირავს სტუდენტის ცხოვრებაში საუნივერსიტეტო ბიბლიოთეკას?

– იაპონიაში ბიბლიოთეკა სტუდენტური ცხოვრების ერთ-ერთ მთავარი და აუცილებელი კომპონენტია. ყველა მაღალი დონის უნივერსიტეტი ცდილობს იქონიოს კარგი ბიბლიოთეკა. მარტო კობეს უნივერსიტეტს ცხრა შიდა საფაკულტეტო ბიბლიოთეკა (ზოგიერთი მათგანი რამდენიმე სართულზეა განთავსებული) აქვს, სადაც მილიონობით წიგნი ინახება. სისტემატურად ხდება ბიბლიოთეკების შევსება ახალი ლიტერატურით. შარშან, წიგნების განთავსების პრობლემის გამო ახალი ბიბლიოთეკის დამატების საკითხი წარმოიშვა. ასევე ხდება ძველი ჟურნალ-გაზეთების და წიგნების „გაციფრულება“, რომ სტუდენტს მასალასთან წვდომა გაუადვილდეს. ასევე მნიშვნელოვანია ძველი წიგნების ან ჟურნალ-გაზეთების, ხშირი ხმარების გამო, დაზიანებისგან დაცვა. არსებობს ელექტრონული ბიბლიოთეკებიც, შეგიძლია შეხვიდე ვებსაიტზე და წიგნის ციფრული ვარიანტი წაკითხო და არ მოგინოს მანცდამაინც, რომელიმე ქალაქში ბიბლიოთეკის გამო ჩასვლა. ერთი სიტყვით, აქ, ყველა საშუალებაა სტუდენტისთვის, რათა მან მაღალი დონის განათლება მიიღოს და პროფესორ-მასწავლებლებს მუდმივი წვდომა ჰქონდეთ სიახლეებთან.

– როგორ ფიქრობ, რით განსხვავდება და რიგ შემთხვევაში, რა უპირატესობა შეიძლება მიენიჭოს აღმოსავლეთ აზიის ქვეყანაში, კერძოდ იაპონიაში მიღებულ უმაღლეს განათლებას, ევროპულთან შედარებით? ასევე, რა უპირატესობა აქვს იაპონურ მონივრულ უმაღლეს სასწავლებლებს ქართულთან შედარებით, რა შეგიძლია გვიამბო სასწავლო პროგრამების, ლექციებისა და პროფესორ-მასწავლებლების შესახებ?

– სიმართლე გითხრა, არ გამოვდგები განათლების ექსპერტად, რადგან კარგად არ ვიცნობ ევროპული განათლების სისტემას. მაგრამ, რა თქმა უნდა, იაპონიაში მიღებულ განათლებას ბევრი დადებითი მხარე აქვს. მაგალითად, ბიზნესის, ეკონომიკის, მედიცინის, არქიტექტურის, ქიმიის-ფიზიკის-ბიოლოგიის, IT ტექნოლოგიების, მანქანათმშენებლობის სფეროში თუ მიიღებ განათლებას იაპონიაში, უდავოდ გამოსადგეგია, რადგან ეს დარგები ძალიან განვითარებულია და მსოფლიოში ერთ-ერთ მონივრულ პოზიციებს იკავებს.

რაც შეეხება ქართული და იაპონური უმაღლესი სასწავლებლების შედარებას, ვეცდები, თსუ-ს და კობეს უნივერსიტეტის მაგალითზე შევადარო. განსხვავება ძალიან დიდია და ყველაფერზე ვერ ვისაუბრებ. მაგალითად, იაპონიაში მაგისტრანტი და დოქტორანტი პირველივე სემესტრიდან იწყებენ ძირითად კვლევას მუშაობას და სემესტრში, მინიმუმ, სამჯერ უწევთ სტუდენტების და პროფესორების წინაშე, ჩატარებულ კვლევაზე მოხსენების გაკეთებას, შეკითხვებზე და კრიტიკულ შენიშვნებზე პასუხის გაცემა. ეს ხელს უწყობს სტუდენტის, როგორც მკვლევრის, განვითარება-ჩამოყალიბებას და ასევე, კვლევის დროს დაშვებული შეცდომების გამოწვევას. თსუ-ში მკვლევარს მხოლოდ თემის დაცვის დროს უწევს საჯარო მოხსენების გაკეთება და შესაბამისად, დაშვებულ შეცდომებზე ვეღარ ასწრებს რეაგირებას.

იაპონიაში პროფესორები მუდმივად ჩართულები არიან კვლევის პროცესში და რეკომენდაციების მიცემით ცდილობენ სტუდენტის განვითარებას.

ლექციები ორი სახისაა: პირველი – როდესაც მხოლოდ ლექტორი კითხულობს ლექციას და მეორე – როდესაც სტუდენტები აკეთებენ სხვადასხვა თემებზე მოხსენებებს და შემდეგ განხილვაში ერთვება ლექტორი და სხვა სტუდენტები, სვამენ კითხვებს და იწყება მსჯელობა. განსაკუთრებით სასარგებლოა მეორე ტიპის ლექციები, რადგან სტუდენტს

მსჯელობის, მკვლევრის, საკუთარი არგუმენტების დაცვის უნარებს უყალიბებს. სტუდენტებს უფრო მეტი თავისუფლება აქვთ საკუთარი სურვილით აირჩიონ სასურველი ლიტერატურა და საგანი ცოდნის მისაღებად.

ყველაზე მეტად მომწონს ის, რომ იაპონელი სტუდენტები სწავლობენ მხოლოდ იმისთვის, რომ მიიღონ ცოდნა და არა მაღალი წიგნები. უნივერსიტეტში, თითოეულ მაგისტრანტს და დოქტორანტს, ჩვენთვის გამოყოფილ ოთახში გვაქვს ჩვენი მერხი და თაროები, ხოლო ბაკალავრ სტუდენტებს თავიანთი ოთახი აქვთ. ყველა ძალიან სერიოზულად უდგება სწავლას, სხედან თავიანთ ადგილებზე და მუდმივად რალაცას კითხულობენ ან წერენ. იშვიათია შემთხვევა, როცა სხვა თემაზე საუბრობენ. ცდილობენ, ოთახში მყოფს საკუთარი ხმაურით ხელი არ შეუშალონ, ზოგიერთები ღამითაც რჩებიან სასწავლებლად. ძალიან ბევრთათვის არიან და დიდი პასუხისმგებლობით გამოირჩევიან როგორც საქმის, ასევე საკუთარი მომავალი ცხოვრებისადმი.

– სად და როგორ ატარებ თავისუფალ დროს? როგორ ცხოვრობენ იაპონელი ახალგაზრდები, რა არის მათთვის პრიორიტეტული?

– სწავლას ბევრი დრო სჭირდება და თავისუფალი დრო არცთუ იხე ბევრი მაქვს. თუმცა, როცა ამის საშუალება მეძლევა, მეგობრებთან ერთად მივედივარ გასართობად. როცა ვახერხებ, იაპონიის სხვადასხვა ადგილებს მოსანახულებლად დავდივარ.

იაპონელი ახალგაზრდების პრიორიტეტები განსხვავებულია, ზოგი სწავლას ანიჭებს უპირატესობას და უნდა, სამეცნიერო კუთხით განვითარდეს, ზოგს კარიერის შექმნა და მსხვილ კომპანიაში დასაქმება სურს, ამიტომ ბაკალავრიატის დასრულებისთანავე იწყებს მუშაობას. ზოგი თავისუფალი ცხოვრების სტილს ირჩევს. თითქმის ყველა ახალგაზრდა ცდილობს, საკუთარი შემოსავალი სტუდენტობიდანვე იქონიოს და სწავლასთან ერთად, სადმე მუშაობს (მრეცხავად, მიმტანად და ა.შ.), არც ერთ საშუალოს არ თვლიან სათაკილოდ. ვისაც შეძლებული ოჯახი ჰყავს და ფინანსურად ეხმარება, მიღებულ შემოსავალს მსოფლიოში სამოგზაუროს შეგნებენ თუ არადა, ყოველდღიური ხარჯების დასაფარად. ვიცნობ რამდენიმე სტუდენტს, რომლებიც დღისით უნივერსიტეტში არიან, სწავლევ კი გვიან ღამემდე მუშაობენ, რათა სწავლის გადასახადი თავად შეაგროვონ. თავისუფალ დროს, მეგობრებთან ერთად, გასართობად ბარებში დადიან. ასევე ცდილობენ, იყვნენ დაკავებული სპორტით ან განევიანებულნი რომელიმე თემატურ კლუბში.

– მომავალი როგორ გეხსენება, სად აპირებ დამკვიდრებას? როგორ ფიქრობ, საზღვარგარეთ მიღებული განათლება და დიპლომი საქართველოში დასაქმებაში ითამაშებს თუ არა გადაწყვეტ როლს?

– თავიდანვე გადაწყვეტილი მქონდა და, მიუხედავად 5-წლიანი ცხოვრებისა იაპონიაში, დღემდე არ შემიცვლია გადაწყვეტილება – მინდა საქართველოში დაბრუნდე. ვფიქრობ, ჩემი ცოდნა ცოტათი მაინც დაეხმარება ქვეყანას განვითარებაში. არ ვთვლი, რომ ჩემს დასაქმებაში მხოლოდ უცხოური დიპლომი ითამაშებს გადაწყვეტ როლს, რადგან საქართველოში განათლებამიღებულებსაც საკმაოდ კარგი ცოდნა აქვთ. ვეცდები, საკუთარი ცოდნით და შრომისმოყვარეობით დავამტკიცო, რომ ნორმალურ სამსახურს ვიმსახურებ. საერთოდ არასწორად მიმაჩნია მსგავსი მიდგომა – უცხოეთში მიღებულ დიპლომს, უპირობოდ, საქართველოში მიღებულ დიპლომზე მაღლა რომ აყენებენ. უცხოეთში მიღებული დიპლომი ყოველთვის არ ნიშნავს კარგ ცოდნას, თუნდაც იმიტომ, რომ ბევრი საკმაოდ დაბალი დონის სასწავლებელში იღებს განათლებას. რა თქმა უნდა, უცხოეთში მიღებული ცოდნა, ხშირ შემთხვევაში, ბევრად სჯობს საქართველოში მიღებულ განათლებას, მაგრამ ბევრად უკეთესი იქნება სამსახურში აყვანა ხდებოდეს ტესტირებით და კონკურსებით, სადაც მთავარი იქნება ცოდნა და არა დიპლომი. გარდა ამისა, უცხოეთში მიღებული დიპლომის წინ დაყენებით, საქართველოში უმაღლესი სას-

ქართული სკულპტურის უსსოთი

წავლებლების სტუდენტებს სწავლის სურვილს ვუქვეითებთ, რადგან მათ უჩნდებათ განცდა, რომ საქართველოში მიღებული ცოდნა ვერ გაუწევს კონკურენციას უცხოეთში მიღებულ ცოდნას. მსგავსი მიდგომა არასწორია და ამით, ისედაც მძიმე მდგომარეობაში მყოფ, ქართულ განათლების სიტემას კიდევ უფრო ვამძიმებთ.

– დღეს, საქართველოში, ძალზე პოპულარულია უმაღლესი განათლების საზღვარგარეთ მიღება. რას ურჩევთ ახალგაზრდებს, რომლებსაც საზღვარგარეთ ცოდნის გაღრმავებისა და კვალიფიკაციის ამაღლების სურვილი აქვთ

– დავითიანხეობით, რომ სულ უფრო პოპულარული ხდება უცხოეთში განათლების მიღება. ეს, ერთი მხრივ, ძალიან კარგია, რადგან უცხოეთში მიღებული განათლება ეხმარება ადამიანს ჩამოყალიბდეს უკეთეს სპეციალისტად, მიიღოს ახალი ცხოვრებისეული გამოცდილება, გაეცნოს განსხვავებულ კულტურას და საქმისადმი მიდგომას, ხოლო ქვეყანაში დაბრუნებულმა შეძლოს საკუთარი ცოდნის გამოყენება. მიმართა, რომ არ უნდა გვეშინოდეს ყოველთვის უცხოურის ქვეყანაში შემოტანის. ღია უნდა ვიყოთ ნარმატიული უცხოური გამოცდილებების საქართველოში დანერგვისთვის, ეს ქვეყანას განვითარებაში დაეხმარება. უცხოეთში განათლებამიღებულები სწორედ ამში გამოადგება ქვეყანას. ამიტომ უდავოდ დადებითია მსგავსი ტენდენციის გაჩენა, თან, მეორე მხრივ, ახალგაზრდას უჩნეს მოტივაციას, უკეთ ისწავლოს, რათა მერე უცხოეთში სასწავლებლად წასვლა შეძლოს.

რაც შეეხება რჩევას, პირველ რიგში, ვურჩევდი, არ იჩქაროთ უცხოეთში სასწავლებლად გამგზავრება მხოლოდ იმიტომ, რომ უცხოეთში უნდათ სწავლა. არ აირჩიონ ე.წ. პრესტიჟული სპეციალობა მხოლოდ იმიტომ, რომ კარგად უღერს. სჯობს, კარგად ჩამოყალიბდნენ, რას უნდათ მიაღწიონ, რა შეუძლიათ, რომელი სპეციალობითა შედარებით ადვილი სამსახურის მოვნა ან რა სპეციალობებზეა ქვეყანაში მოთხოვნა. როგორც ვაკვირდები, უცხოეთში სასწავლებლად წასულების დიდი ნაწილი საერთაშორისო ურთიერთობების სპეციალობას ეუფლება, რაზეც, რეალურად, საქართველოში ნაკლები მოთხოვნაა და შესაბამისად, ქვეყანაში დაბრუნებულებს სამსახურის პოვნა უჭირთ. ბევრად უკეთესი იქნება, თუ ქვეყანაში არსებული მოთხოვნების შესაბამისად აირჩევენ სპეციალობას. უცხოეთში წასვლამდე კი, ეცადონ კარგად შეისწავლონ იმ ქვეყნის ენა, სადაც სასწავლებლად მიემგზავრები, ეს ცოდნის უკეთ მიღებაში დაეხმარება.

ჩემი აზრით, უმჯობესია ბაკალავრიატის დამთავრების შემდეგ ვადაწყვიტონ უცხოეთში სწავლა, რადგან უფრო მეტად იქნებიან საკუთარ სურვილებსა და შესაძლებლობებში გარკვეულები. უცხოეთში ჩასვლებს კი, არ დაავიწყდეთ, რომ ქართველები არიან, საკუთარი ქვეყნის სახეს წარმოადგენენ და შეეცადონ, საქართველოს და ქართული კულტურის პოპულარიზაციას შეუწყონ ხელი. ყურადღებით ათვალთვლონ გარემო და შეისწავლონ ის დადებითი მხარეები, რისი საქართველოში დანერგვაც ჩვენს ქვეყანას სარგებელს მოუტანს. არ ჩათვალონ, რომ მათი მისია მხოლოდ პირადი მიზნების მისაღწევად განათლების მიღებაა. ცოდნის მიღებასთან ერთად, მუდმივად იფიქრონ, რაში შეუძლიათ, დამხმარება გაუწიონ ქვეყანას მიღებული გამოცდილებითა და შექმნილი კავშირების მეშვეობით. მჯერა, სულ რამდენიმე წელიწადში, საქართველოს სასიკეთოდ გარდაქმნას სწორედ ის თაობა და ის ხალხი დაიწყებს, ვისაც განათლება უცხოეთში აქვს მიღებული. ქვეყანა გამოვა იმ მოჯადობებული წრიდან, სადაც ბოლო 25 წელიწადია ვტრიალებთ და ჯერ კიდევ ვერ დავაღწიეთ თავი. საქართველოს სჭირდება ახალი იდეები, ახალი სახეები, ახლებური განვითარება და ამიტომ მჯერა, რომ საქართველოს მომავალი მათ ხელში იქნება. მაქსიმალურად დიდი პასუხისმგებლობით უნდა მოეკიდონ სწავლას და ჩამოყალიბდნენ თავიანთი საქმის პროფესიონალებად. ეს მათაც გამოადგებათ და საქართველოსაც.

– ღირებულებათა იერარქიაში განათლებას იაპონელებისთვის ერთ-ერთი უმნიშვნელოვანესი ადგილი უჭირავს. სწორედ განათლების მაღალი დონის დამსახურებაა, ამომავალი მზის ქვეყანაში ძალზე მოკლე ხანში, უაღრესად წარმატებას და პროგრესს რომ მიანიჭოს. ამიტომ განათლებისადმი სწრაფვას

უფროსი თაობა ბავშვებს მცირე ასაკიდანვე უფითარებს. იაპონიის განათლების სისტემის მთავარი ამოცანა არაორდინარული და აქტიური პიროვნების აღზრდაა. შენ როგორ აფასებ იაპონურ განათლების სისტემას?

– იაპონელები, ჯერ კიდევ მეიჯის რესტავრაციის (1867) მერე, კარგად მიხვდნენ, რომ ქვეყნის განვითარება განათლების გარეშე შეუძლებელი იყო და განსაკუთრებული ყურადღება დაუთმეს ამ სფეროს. განათლების და დასავლური გამოცდილების მისაღებად ევროპაში აგზავნიდნენ ახალგაზრდებს, დასავლეთიდან იწვევდნენ რეფორმატორებსა და მეცნიერებს. ქვეყნის ყველა კუთხე-კუნჭულში დაიწყეს საყოველთაო განათლების მიღებისთვის სკოლების გახსნა. მეორე მსოფლიო ომის შემდეგაც, აშშ-ს დახმარებით და მითითებით, გატარდა განათლების რეფორმები, შეიცვალა სასკოლო სისტემა, სახელმძღვანელოები და ა.შ. მსგავსმა დამოკიდებულებამ თითქმის ყველა სფეროში მოიტანა შედეგები. სასკოლო განათლებას თუ გადავხედავთ, ჩემთვის ძალიან სინტერესოვს ჩანს მორალის გაკვეთილები, რომელიც პირველი კლასიდან იწყება და რამდენიმე წელი გრძელდება. ეს არის ყველა მომავალი ნარმატების საფუძველი. მორალის გაკვეთილები ბავშვებს პიროვნებებად და პასუხისმგებლებად მოქალაქებად ჩამოყალიბებაში ეხმარებათ. პატარა მოთხოვნების მაგალითზე, ასწავლიან მოსწავლეებს, რომ არ უნდა დაანაგვიანონ გარემო, საკუთარი საქმე მხოლოდ თვითონ უნდა გააკეთონ და არ ეცადონ ხრიკებით თავის არიდებას, არ უნდა დაჩაგრონ სხვა და ა.შ. ასევე, ცდილობენ ბავშვობიდანვე ჩაუნერგონ გუნდური მუშაობის პრინციპები. სხვადასხვა სახელმძღვანელოებს მაქსიმალურად ყურადღებით ქმნიან, რათა ბავშვმა კარგად ათვისოს მასალა. მშობელიც და სკოლაც ცდილობს, მოსწავლეები მუდმივად დაკავებული იყვნენ სწავლით ან სპორტით და თავისუფალი დრო ნაკლებად დარჩეთ. ეს ბავშვებს დაძაბულ და დატვირთულ რეჟიმში ცხოვრებას აჩვენებს და როდესაც იზრდებიან, ნაკლებად უჭირთ დაძაბულ რიტმთან შეგუება. სახელმწიფო კი, თავის მხრივ, მუდმივად ატარებს კვლევებს ქვეყანაში არსებულ პრობლემებზე და ხარვეზების გამო-სასწორებლად განათლების სისტემაში მცირე რეფორმებს მიმართავენ. მაგალითად, ბოლო კვლევების შედეგად, დაადგინეს, რომ იაპონიას მსოფლიოში ეკონომიკური დომინირებისთვის ინგლისური ენის კარგად მცოდნე იაპონელები ესაჭიროება, ინგლისური ენის სწავლების ხარისხი არ არის დამაკმაყოფილებელი და ახლა ამ ხარვეზის გამოსწორებაზე მუშაობენ. სახელმწიფო ცდილობს, ქვეყნის ინტერესებს მორავს განათლებას. მათ კარგად იციან, რომ ქვეყნის ნარმატების საფუძველი განათლებაშია.

– რა შეიძლება გავითვალისწინოთ იაპონური განათლების სისტემის გამოცდილებიდან, რა არის ის, რისი დანერგვაც დიონ ქართულ საუნივერსიტეტო სივრცეში?

– ასე მოკლედ რთულია იმის თქმა, თუ რისი დანერგვა ღირს საქართველოში, რადგან კომპლექსური საკითხია, ბევრი ნიუანსია სათვალისწინებელი, თან ეს ჩვენს ხასიათს და არსებულ რეალობასაც უნდა ეწყობოდეს. მაგალითად, სამაგისტრო და სადოქტორო სისტემები რომ მორავო საქართველოს, ამისთვის, მინიმუმ, საჭიროა მდიდარი ბიბლიოთეკების არსებობა, ბევრი ლიტერატურა უნდა იყოს ქართულად ნათარგმნი, რაც საქართველოში, ჯერჯერობით, ერთ-ერთ უმწვერველ პრობლემად რჩება. ვიდრე ეს არ მოგვარდება განათლების სფეროში წინსვლა ძალიან რთული იქნება. მუდმივად უნდა ხდებოდეს ახლად გამოსული ლიტერატურის თარგმნა და ახალი ნივთების მიწოდება ბიბლიოთეკებისთვის, რათა სტუდენტებს და პროფესორ-მასწავლებლებს შეეძლოთ სიახლეების გაცნობა. თუმცა, შეგვიძლია გარკვეული ელემენტების დანერგვა, რასაც მატერიალური რესურსი არ სჭირდება. მაგალითად, საქმისადმი ისეთივე პასუხისმგებლობით მიდგომა, როგორც იაპონურ უმაღლეს სასწავლებლებშია. მიუხედავად იმისა, რომ საქართველოში სწავლებისთვის რთული პირობებია, არსებული რესურსების ნახევრის გამოყენებაც არ ხდება. ეს ეხება პროფესორებსაც და სტუდენტებსაც.

გარდა ამისა, ჩემი აზრით, გარკვეულ დონეზე, შესაძლებელია სამაგისტრო და სადოქტორო თემებზე მოხსენებების ყოველსემესტრულად მომზადება და სტუდენტებისა და

პროფესორების წინაშე განხილვის დანერგვა. კარგი იქნება, ასევე, მკვლევარ სტუდენტებს თუ გამოუყოფენ ცალკე სამუშაო ოთახს, სადაც თითოეულ მათგანს საკუთარი მერხი ექნება. ეს საშუალებას მისცემს, მშვიდად იმუშაონ საკვლევ თემაზე. ბევრსგან გამიგია, რომ შინ უჭირთ მეცადინეობა, რადგან ოჯახში არ აქვთ საკმარისი ფართი, საკუთარი ოთახი და ხმაურის გამო რიგინად სწავლას ვერ ახერხებენ.

– როგორია იაპონელი ხალხის ყოფაცხოვრება, შენი დამოკიდებულება და შთაბეჭდილებები აღმოსავლური ქვეყნის კულტურის, ტრადიციების მიმართ, განსაკუთრებით რას გამოყოფდი, როგორია, თუნდაც, იაპონური გაზაფხული? ამბობენ, რომ, განსაკუთრებულია.


– იაპონია მართლაც განსხვავებული კულტურის ქვეყანაა. რთული გასამიჯნია, რა უფრო მეტად იწვევს ჩემში აღფრთოვანებას – კულტურა თუ ხალხი. კულტურა იმდენად მრავალფეროვანია, რომ ამას ერთი გაზეთიც არ ეყოფა, ამიტომ, სჯობს ხალხზე ვისაუბრო. იაპონელებში ყველაზე მეტად მომწონს ის, რომ ძალიან პასუხისმგებელიანი არიან, დაკისრებულ მოვალეობას ყოველთვის მაქსიმალურად ასრულებენ, ძალიან შრომისმოყვარენი არიან, დღეში 10-12 საათი მუშაობენ. არსებობს ტერმინი „კაროში“, რაც გადამეტებული მუშაობის შედეგად სიკვდილს ნიშნავს, დიან, არც თუ ისე იშვიათია გადამეტებული მუშაობისგან გარდაცვალების შემთხვევები.

იაპონელი მუშაობაში ძალიან შეუპოვარია. მიაჩნია, რომ, თუ სხვას შეუძლია გააკეთოს რამე, ე.ი. მასაც შეუძლია იგივე, ხოლო თუ სხვას არ შეუძლია, მაშინ მან უნდა შეძლოს! სამსახურის მიმართ დიდი ერთგულებით და მუყაითობით გამოირჩევიან. მიაჩნიათ, რომ საკუთარი სიზარმაცით მომპანია პრობლემა არ უნდა შეუქმნან, თან, თუ კომპანია წარმატებული არ იქნება, შეიძლება სამსახურიც დაკარგონ. ამიტომ ენერგიულად მუშაობენ. ერთმანეთს დიდ პატივს სცემენ და ყოველთვის თავაზიანად მიმართავენ, ცდილობს საკუთარი სიამოვნების გამო, სხვა არ შეაწუხონ. ღამით არ ხმაურობენ და არც ტრანსპორტში უსმენენ ხმამაღლა მუსიკას, რათა ყურთსამიერებიდან გამოსულმა მცირე ხმამ გვერდითი მჯდომს დისკომფორტი არ შეუქმნას. არ ანაგვიანებენ გარემოს, მიუხედავად იმისა, რომ ქუჩებში ნავის ურნები არ დგას, ძირს დადებულ ნაგავს იშვიათად წააწყდები. რამდენჯერმე მინახავს, ქუჩაში შემთხვევით დავარდნილი მცირე ნაგავი გამწველს წაუღია გადასაგდებად ან კუთხეში გადაუდია. ძალიან პატიოსანი ხალხია და ნაკლებად ცდილობენ სხვისი მოტყუების ხარჯზე სარგებლის მიღებას. ეს დიდ სირცხვილად მიაჩნიათ. არ არიან კონფლიქტურები. უფვართ გარემოზე ზრუნვა და თითოეულ ხეს, ბუჩქს და ყვავილს სათუთად უვლიან. მიუხედავად იმისა, რომ მუდმივად მომავლისკენ ისწრაფვიან და უცხოური კულტურაზე ძალიან აინტერესები, არ ივნივნიან საკუთარ წარსულს და ტრადიციებს, რომელსაც უდიდეს პატივს სცემენ. იაპონელების ეს თვისებები ძალიან მომწონს და არ იქნებოდა ურიგო მათი გადმოტანა საქართველოში.

რაც შეეხება იაპონურ გაზაფხულს, იაპონური ალუბლის, იმავე საკურას ყვავილობას, მართლაც ერთ-ერთი მშვენიერი პერიოდია იაპონიაში. წარმოადგინეთ, უამრავი საკურა ერთდროულად ყვავის და ულამაზეს სანახაობას ქმნის. განსაკუთრებით ულამაზო პარკები, სადაც სპეციალურად მიდიან ოჯახები, მეგობრები ან წვეილები საკურას საყურებლად და პიკნიკისთვის. ასევე ულამაზესი სანახავია ღამით, მთვარის შუქით განათებული აყვავებული საკურა.

– როგორია „ქართველი სტუდენტები უცხოეთში“ სტუმრები, ძირითადად, ევროპის მონიწივე უმაღლესი სასწავლებლების სტუდენტები არიან. შესაბამისად, მათი მისწრაფვა ევროპისადმი განუსაზღვრელია, შენვეს კარგად იცნობ აზიურ კულტურას. შენი გადასახედიდან, რომელია ჩვენთვის მისაღები – ევროპა თუ აზია?

– ვფიქრობ, აქ სხვა პასუხი არც არსებობს, უპირობოდ – ევროპა! ევროპულ ღირებულებებს არ აქვს ალტერნატივა და ჩვენს მენტალიტეტთან ბევრად უფრო ახლოსაა, ვიდრე აზიური. სამწუხაროა, რომ ეს შეკითხვა ჯერ კიდევ არსებობს, ალბათ, იმიტომ არის განპირობებული, რომ ანტიეკონომიკური მცირე ჯგუფები ცდილობენ, ევროპაში არსებული



წაკლოვანებებით ხალხში ევროპისადმი შიში დანერგონ. რეალურად კი ევროპაში ძალიან ბევრი სიკეთეა, რომელიც ჩვენ ქვეყანასაც დაეხმარება, ხალხსაც და კულტურასაც. ჩვენ ევროპიდან უნდა გადმოვიღოთ ის, რაც კარგია ქვეყნისთვის და შევუხამოთ ქართულ ტრადიციებს, კულტურას და ხასიათს. ჩემი აზრით, ყველაფრის უპირობოდ კოპირება არ მოგვიტანს დიდ სარგებელს.

– როცა ადამიანი საზღვარგარეთ ცხოვრობს, ალბათ მეტს ფიქრობს სამშობლოზე. საზღვარგარეთ გატარებულ მცირე პერიოდშიც კი სხვანაირად აფასებს საკუთარ ღირებულებებს. როგორ ფიქრობ, მიგვიღებს ევროპა ისეთებს, როგორებიც ვართ თუ ძალიან ბევრი რამის გადახედვა და გადაფასება მოგვინებს? რა არის შენთვის ყველაზე მნიშვნელოვანი და ღირებული, რაც იაპონიაში გატარებულმა პერიოდმა მოგცა?

– ევროპამ უკვე მიგვიღო. ჩვენ ისედაც ვიყავით და ვართ ევროპა. ევროპა ისეთი არააფერს გვთხოვს, რაც ჩვენს იდენტობას და ჩვენს სურვილებს ეწინააღმდეგება (როგორც ზოგიერთები ცდილობენ წარმოაჩინონ). არ ითხოვენ ჩვენი ღირებულების გადაფასებას და არაფერს გვთხოვს, მაგალითად, დავემსგავსოთ გერმანიას. ჩემი გადმოსახედიდან, თავად ევროპაც არ არის ერთფეროვანი, მაგალითად, ნორვეგია-საფრანგეთი-იტალია – სამივე ევროპული ქვეყანაა, მაგრამ ძალიან განსხვავებულია. ისინი გვთხოვენ, რომ ყველა ადამიანის უფლებები იყოს თანაბრად და უმაღლეს დონეზე დაცული, კანონის წინაშე ყველა თანასწორი იყოს, გვექონდეს კვებითი პროდუქტების ვარგისიანობის და უსაფრთხოების დაცვის მაღალი სტანდარტები, დავიცვათ ეკოლოგია და ა.შ. არა მგონია, და სასარგებლო მოთხოვნებმა ზიანი მოგვიტანოს ჩვენ ან ჩვენს ღირებულებებს.

რაც შეეხება ღირებულების გადაფასებას, აქ ევროპა არაფერ შუაშია, ჩვენ თვითონ გვჭირდება, რომ შევიცვალოთ ზოგიერთი რამ. თუმცა, ეს ალბათ ჩვევებია, ვიდრე ღირებულებები. მაგალითად, უნდა შევიცვალოთ, რომ სახელმწიფო ქონება ჩვენი საკუთარი ქონებაა და, მაგალითად, ტრანსპორტში ინვენტარი არ უნდა დავაზიანოთ. ყველაფერში დახმარებისთვის სახელმწიფოს არ უნდა შევყურებდეთ და საკუთარ პრობლემებს თავად უნდა ვაგვარებდეთ. დღეს დატაკიც, მომღერალიც, ბიზნესმენიც და გლეხიც სახელმწიფოსგან ითხოვს დახმარებას და თავად ნაკლებად ცდილობს, პირადად იპოვოს გამოსავალი. ის, რომ ქუჩაში და ბუნებაში საქეფოდ გასკლის მერე ნაგავი არ უნდა დაგვაროთ, სხვის ინტერესსაც რომ უნდა ვცეთ პატივი და ვაკეთოთ ის, რაც სხვებს დისკომფორტს უქმნის – ევროპასთან ინტეგრაციას კი არა, ჩვენ გვჭირდება – ხალხსაც და ქვეყანასაც – განვითარებისთვის.

რაც შეეხება შეკითხვას, იაპონიაში გატარებულმა პერიოდმა რა მომცა ღირებული და მნიშვნელოვანი, მიუხედავად იმისა, რომ ბევრ საკითხს ახლებურად შევხედე, ამჯერად მხოლოდ ორს გამოვიყოფ – თუ გინდა წარმატებას მიაღწიო, უნდა იყო შრომისმოყვარე და გაგაჩნდეს პასუხისმგებლობის დიდი გრძნობა. ამ საკითხების მნიშვნელობა იაპონიაში განსაკუთრებით მკვეთრად იგრძნობა.

ესაუბრა მამა ჭიჭინაძე

კვლევა დასახარებად

ინფორმაცია



მაკა ნალარევიძე

ფრანგული ენა

კარაოკე

ძვირფასო კოლეგებო, დაპირებისამებრ ვაგრძელებთ ინტერნეტსივრცეში არსებული რესურსების გამოყენებასა და კომპიუტერული ტექნიკის დახმარებით გაკვეთილების დაგეგმვას...

რესურსს ჩვენთვის კარგად ნაცნობი ინტერნეტგვერდიდან გამოვიყენებთ - http://www.bonjourdefrance.com/ და გეტყვით, რომ ნებისმიერ მასწავლებელს შეუძლია აქ განთავსებული მასალით სარგებლობა გაკვეთილზე...

ახლა, რაც შეეხება ჩვენს გაკვეთილს. ამჯერად, მოდით, არჩევანი შევაჩეროთ ცნობილ ფრანგ მომღერალ ქალზე - ამელ ბენტზე (Amel Bent), მის ცნობილ სიმღერაზე „ჩემი ფილოსოფია“ - „ma philosophie“.

ენობრივი ცოდნის თვალსაზრისით სასურველია ენის ცოდნის A2-ის დონე. მუშაობას, თავდაპირველად, ჩვენთვის ცნობილი მეთოდის საშუალებით დავიწყებთ - ეს იქნება ბართების მეთოდი.

მიმდინარეობა:

პირველი აქტივობა

მიზანი: ზეპირმეტყველების განვითარება. ლექსიკურ ერთეულზე მუშაობა

დაურიგეთ წყვილებში მოსწავლეებს თითო-თითო ბარათი და სთხოვეთ, იპოვონ ხაზგასმული სიტყვების საინაშენიანო (ანტონიმი) სიტყვა, შედეგ კი წყვილებმა კლასში განიხილონ საკუთარი ვერსია (ასეთივე აქტივობა განახორციელებთ სათითაოდ სამივე ბარათზე).

carte 1
Dites le contraire
1. baisser la tête
2. plus bas

carte 2
Dites le contraire
1. plus près
2. réchauffer le coeur

carte 3
Dites le contraire
1. Avec la force et le sourire
2. Je pars le point baissé

მეორე აქტივობა

მიზანი: ზეპირმეტყველების განვითარება, ლექსიკურ ერთეულზე მუშაობა

დაურიგეთ წყვილებში მოსწავლეებს თითო-თითო ბარათი და სთხოვეთ, ჯერ ერთმანეთში, შედეგ კი კლასში განმარტონ საკუთარი სიტყვებით, თუ რას ნიშნავს კონკრეტული ფრაზა. (ასეთივე აქტივობა განახორციელებთ სათითაოდ სამივე ბარათზე).

carte 1
Expliquez
1. Avancer le cœur léger
2. Bomber le torse

carte 2
Expliquez
1. Visez la lune
2. Avoir les formes et les rondeurs

carte 3
Expliquez
1. Apprendre à être fier
2. Rester le poing levé

მესამე აქტივობა

მიზანი: ზეპირმეტყველების განვითარება, მსჯელობა, დასაბუთება

სთხოვეთ მოსწავლეებს, დაახასიათონ ადამიანი, რომელიც ცხოვრების დევიზად იყენებს შემდეგ ფრაზებს - „Visez la lune“, „Rester le poing levé“, „Je n'ai qu'une philosophie Être acceptée comme je suis“.

ზეპირი დახასიათების შემდეგ შეავსონ ცხრილი:

Table with 2 columns: qualité, défaut

მეოთხე აქტივობა

მიზანი: მოსმენა (აუდიოტექსტის გაგება)

სთხოვეთ მოსწავლეებს, შევიდნენ შემდეგ ბმულზე, ამოიჩიონ თქვენ მიერ მითითებული ენის ფლობის დონე, მოუსმინონ სიმღერას და, პარალელურად, შეავსონ გამოტოვებული სიტყვები: http://www.bonjourdefrance.com/karaoke-file/index.php/fr/play/ma-philosophie.html

სავარჯიშოს შესრულების შემდეგ, შესაძლებელია, მასწავლებელმა გამართოს დისკუსია ან დამოუკიდებელ სამუშაოდ მისცეს შემდეგი დავალება:

ხაზი გაუსვან სიმღერის ტექსტიდან ამონარიდ შემდეგ ფრაზებს და სთხოვონ, მოიყვანონ ამ ფრაზების მაგალითი რეალური ცხოვრებიდან:

- 1. « La vie ne m'en laisse pas le choix » :
2. « Sans cesse redoubler d'efforts »

ლიტერატურული პრემია „ამირანის“ დაჯილდოების სერემონია გაიმართა

მეექვსე საავტორო სკოლაში ლიტერატურული პრემია „ამირანის“ დაჯილდოების პირველი საზეიმო ცერემონია გაიმართა. კონკურსის მიზანია შემოქმედებითი ნიჭით დაჯილდოებული ახალგაზრდების გამოვლენა და მათი პიროვნული და შემოქმედებითი წინსვლის მხარდაჭერა...

მეექვსე საავტორო სკოლის ინიციატივით, დაარსდა ქართველი პოეტისა და მთარგმნელის, მეექვსე საავტორო სკოლის დამფუძნებლისა და პედაგოგის პაკო (ამირან) სვიმონიშვილის სახელობის ლიტერატურული პრემია „ამირანი“.

მოსწავლეთა ნამუშევრები კომპეტენტურმა ჟიურიმ სრული ანონიმურობის დაცვით განიხილა. ჟიურის წევრები იყვნენ: მწერალი და დრამატურგი ლაშა თაბუკაშვილი, პოეტი გავა ნახუცრიშვილი, პოეტი და მთარგმნელი ანდრო ბუაჩიძე, გამოცდებისა და შეფასების ეროვნული ცენტრის ექსპერტი ნინო გორდელაძე, ჟურნალისტი ეკა ტალახაძე.

კონკურსის ფინალისტები და, ასევე, საუკეთესო ნაწარმოებების ავტორების ნაშრომები დაიბეჭდება და აღმანახის სახით გამოიცემა. კონკურსი 2014 წლის ოქტომბერში გამოცხადდა. ორგანიზატორებმა საქართველოს თითქმის ყველა კუთხეში ჩაატარეს საინფორმაციო შეხვედრები, მონაწილეებს მიაწოდეს ინფორმაცია კონკურსის პირობებისა და ვადების შესახებ.

სამეცნიერო-საინოვაციო კონკურსის ფინალური ტური

სასტუმრო „თბილისი მერიოტში“ სკოლის მოსწავლე გოგონების სამეცნიერო-საინოვაციო კონკურსის ფინალური ტური გაიმართა. 20-მა ფინალისტმა გოგონამ საინოვაციო პროექტი წარმოადგინა. მათგან გამარჯვებული პროექტები კომპეტენტურმა ჟიურიმ გამოავლინა და პრიზები და სამახსოვრო საჩუქრები გადასცა.

პროექტი, აშშ-ს საელჩოს დაფინანსებითა და საქართველოს განათლებისა და მეცნიერების სამინისტროს მხარდაჭერით, საქართველოს სამეცნიერო-ტექნოლოგიური განვითარების ფონდთან (GRDF), აშშ სამოქალაქო კვლევებისა და განვითარების ფონდთან (CRDF Global), ამერიკის ვაჭრობის პალატასთან და ინტელექტუალური საკუთრების ეროვნულ ცენტრ „საქპატენტთან“ თანამშრომლობით განხორციელდა.

პროგრამის მიზანი იყო: მეცნიერების, ტექნოლოგიების, ინჟინერიის და მათემატიკის (STEM) სფეროში ქალების წამყვანი როლის წახალისება; გოგონების დაინტერესება სკოლის შემდგომი საუნივერსიტეტო სწავლისას აირჩიონ STEM მიმართულებები. ღონისძიებას საქართველოს განათლებისა და მეცნიერების მინისტრის მოადგილე გიორგი შარვაშიძე და ამერიკის ელჩი საქართველოში რიჩარდ ნორლანდი დაესწრნენ.

„განათლებისა და მეცნიერების სამინისტროს ერთ-ერთი სტრატეგიული მიმართულებაა გენდერული თანასწორობის ხელშეწყობა და ქალთა როლის ზრდა საზოგადოებაში. უაღრესად მნიშვნელოვნად მიგვაჩნია მოსწავლეების ჩართვა სამეცნიერო საქმიანობაში, განსაკუთრებით კი, გოგონების დაინტერესება ტექნიკური მიმართულებით და ამ სფეროში მათ მიერ პროფესიული არჩევანის გაკეთება,“ - განაცხადა გიორგი შარვაშიძემ.



სასკოლო აქტივობა

ერთობლივი მუშაობის შედეგი

1 ივნისს, თბილისის 131-ე საჯარო სკოლის მოსწავლეებმა, ბავშვთა დაცვის საერთაშორისო დღესთან დაკავშირებით, საბავშვო სპექტაკლი „კომბლე“ წარმოადგინეს. მონაწილეთა შორის, თანატოლებთან ერთად, იყვნენ სპეციალური საგანმანათლებლო საჭიროებისა

და შეზღუდული შესაძლებლობის მქონე (სსსმ/შშმ) მოსწავლეები და მათი მშობლები. სპექტაკლის დადგმაზე მუშაობდნენ სკოლის ინკლუზიური განათლების კოორდინატორი და სპეციალური პედაგოგები – გულნარა ხატიბოვა, მეგი ხუნაშვილი და თამარ მაჭარაშვილი. მუსი-

კალური ხელმძღვანელი იყო 131-ე სკოლის პედაგოგი ნანა ლომსაძე, სცენარი ეკუთვნის ამავე სკოლის პედაგოგს ნანა ბეზიას.

ლონისძიებმა ჩატარდა სკოლის დირექტორის, ხათუნა ენუქიძისა და სასწავლო ნაწილის გამგის, მეგეროსტიაშვილის მხარდაჭერით. დიდი მადლობა გვინდა გადავუხადოთ თბილისის სომხურ დრამატულ თეატრს და ქალბატონ მანანა კარაპეტიაძეს დახმარებისთვის.

სპექტაკლს ესწრებოდა სსიპ საზოგადოებრივი კოლეჯის „სპექტრი“ დირექტორი მათე ტაკიძე და კოლეჯის ინკლუზიური განათლების სპეციალისტი და ასისტენტი – ლალი ხვედელიძე. აგრეთვე, თბილისის 49-ე და 124-ე საჯარო სკოლების დირექტორები – ეკატერინე ცაავა და მადონა მუმლაძე, სპეციალური მასწავლებლები – რუსუდან ხოშარაული და მარიკა მაღლაკელიძე.

აღსანიშნავია, რომ სპექტაკლის წარმატება მოსწავლეების, პედაგოგების, სკოლის ადმინისტრაციისა და მშობლების ერთობლივი მუშაობის შედეგია. კიდევ ერთხელ წარმოჩინდა ინკლუზიური განათლების მნიშვნელობა და სსსმ/შშმ მოსწავლეების ჩართულობის შესაძლებ-



ბის შედეგია. კიდევ ერთხელ წარმოჩინდა ინკლუზიური განათლების მნიშვნელობა და სსსმ/შშმ მოსწავლეების ჩართულობის შესაძლებ-

ლობა სასკოლო ღონისძიებებში.

მეგი ხუნაშვილი სპეცმასწავლებელი



ინფორმაცია

საქართველოს დამოუკიდებლობის დღე

აფხაზეთის ა/რ მთავრობის, უმაღლესი საბჭოს და აფხაზეთის განათლებისა და კულტურის სამინისტროს წარმომადგენლებმა, 26 მაისს, საქართველოს დამოუკიდებლობის დღისადმი მიძღვნილი საზეიმო აქცია „საქართველოვ, გულო ჩემო“ საქართველოს ეროვნული გმირის, ჟიული შარტავას სახელობის მემორიალიდან დაიწყო. აფხაზეთიდან დევნილმა ახალგაზრდებმა ძეგლი გვირგვინებით შეამკეს.

შეკრებილებს მისასალმებელი სიტყვებით მიმართეს და დღესასწაული მიულოცეს აფხაზეთის მთავრობის თავმჯდომარემ, ვახტანგ ყოლბაიამ, მარინა შენგელიამ, აფხაზეთის განათლებისა და კულტურის სამინისტროს კულტურის სამმართველოს უფროსმა კახა ძაძაძიამ და სხვებმა.

აფხაზეთის შემოქმედ ბავშვთა კავშირის წევრებმა წარმოადგინეს ლიტერატურული კომპოზიცია „სხვა საქართველო სად არი“ და აკაპელით შეასრულეს საქართველოს ჰიმნი „ჩემი ხატია სამშობლო“.

კოლონამ, რომლის შემადგენლობაშიც იყვნენ: ზემო სვანეთის, აფხაზეთის №2, №3 საჯარო სკოლებისა და კომპაქტურად ჩასახლებულ ობიექტებში მცხოვრები მოზარდები, აფხაზეთის შემოქმედ ბავშვთა კავშირის „მომავლის ხმა“ წევრები, აფხაზეთის სტუდენტი ახალგაზრდობა, ინტელიგენცია, აფხაზეთის განათლებისა და კულტურის სამინისტროს საგანმანათლებლო სამსახურისა და სსიპ კინოცენტრ „აფხაზეთის“ წარმომადგენლები, საქართველოს დროებითა და ტრანსფარანტებით, საზეიმო, მშვიდობიანი მსვლელობით გაიარა რუსთაველის გამზირი (თავისუფლების მოედნიდან რუსთაველის მეტრომდე). მათ დამოუკიდებლობის დღე მიულოცეს საქართველოს მთავრობისა და პარლამენტის წევრებს, თბილისის მერს დავით ნარმანიას და სხვებს.

პროექტის დასკვნითი ნაწილი საქართველოს ეროვნული გმირის, მერაბ კოსტავას სახლ-მუზეუმის ეზოში გაიმართა, სადაც ზემის მონაწილეებმა წუთიერი დუმილით პატივი მიაგეს სამშობლოს ერთიანობისთვის დაღუპული გმირების სლოვანს.

საქართველოს უახლესი წარსულის მოვლენები გაიხსენეს და მისასალმებელი სიტყვები წარმოთქვეს: აფხაზეთის უმაღლესი საბჭოს თავმჯდომარის მოადგილემ, დეპუტატმა ჯემალ გამახარიაძემ, აფხაზეთის განათლებისა და კულტურის მინისტრის მოადგილემ როლანდ ნიუარაძემ, განათლებისა და კულტურის სამინისტროს თანამშრომლებმა – დოდო შონიამ და ნონა ბერაიამ, ღონისძიების წამყვანმა, ტელეკომპანია „იმედის“ ჟურნალისტმა სოფიკო ქვარცხავამ, პროექტის საპატიო სტუმარმა – საფრანგეთის ქართული დიასპორის შთამომავალმა, ქართული სათვისტომოს ხელმძღვანელმა ოთარ პატარიძემ, მერაბ კოსტავას ქალიშვილმა თამთა კოსტავამ. სრულიად საქართველო დალოცა კრწანისის წმინდა გიორგის სახელობის ეკლესიის მოძღვარმა მოსე ყელიძემ.

აფხაზეთის მოსწავლე ახალგაზრდობისა და სტუდენტების მონაწილეობით გაიმართა საზეიმო კონცერტი და მხატვრული ნამუშევრების გამოფენა თემაზე „დაბრუნებამდე“.

ღონისძიების დასასრულს, მერაბ კოსტავას მუზეუმის დირექტორმა ციცილო მაღლაფერიძემ მადლობა გადაუხადა აქციის მონაწილეებს აქტიური ჩართულობისთვის, აფხაზეთელ მოზარდებს კი, მეგობრობისა და თანამშრომლობისათვის, საზეიმოდ გადასცა მერაბ კოსტავას სახელობის სპეციალური დიპლომები.



26 მაისი



ივონარა ბერაია აფხაზეთის განათლებისა და კულტურის სამინისტროს თანამშრომელი

კლუბური მუშაობის როლი სამოქალაქო განათლების სწავლებაში

2014 წლის ნოემბერში თბილისის №186 საჯარო სკოლა ჩაერთო პროგრამაში „მომავლის თაობა“, რომელიც ხორციელდება PH international-ის მიერ, ამერიკის შეერთებული შტატების საერთაშორისო განვითარების სააგენტოს (USAID) დაფინანსებითა და საქართველოს განათლებისა და მეცნიერების სამინისტროს მხარდაჭერით. სკოლაში შეიქმნა კლუბი, რომელიც, თავდაპირველად, 15 მოსწავლე გავრთიანდა. აირჩიეს კლუბის ლიდერთა საბჭო, გამოცხადდა კონკურსი კლუბის სახელსა და ლოგოზე, რომელიც ყველა საფეხურის მოსწავლემ მიიღო მონაწილეობა. კლუბის წევრთა გადამწყვეტილებით, კლუბის სახელია „დელტა“, სლოგანი – „ერთად ვაშენებთ მომავალს“. კლუბის წევრებმა თავიდანვე ორიენტაცია აიღეს თემში არსებულ პრობლემებზე.

პირველი ინიციატივა, რომელიც გასული წლის 26 დეკემბერს განხორციელდა, არის „სუფთა გარემო – ჯანსაღი მომავალი“ (ინიციატივა ეკუთვნის მარი წაქაძეს, მე-10 კლასის მოსწავლე). დიდ დიღომში, პეტრე იბერის 4^ა-ში, 2013 წელს, დასრულდა დიდი „დიღომის ოაზისის“ მშენებლობა. ეს პროექტი მოიცავს ხუთ კორპუსს. მოსახლეობის უმეტესობა ნაგავს კორპუსების მიმდებარე ტერიტორიაზე ყრიდა, რის გამოც ანტისანიტარია იყო. ჩვენს ინიციატივას სირთულეები შეხვდა: 1. კორპუსები არ იყო ექსპლუატაციაში; 2. საყოფაცხოვრებო ნაგავთან ერთად ეყარა სამშენებლო ნაგავიც. ამიტომ გვეუბნებოდნენ, რომ ყურადღებას არავინ მოგვაცეცდა. მიუხედავად ამისა, კლუბის წევრები დაუკავშირდნენ დასუფთავების სამსახურს და მათთან ერთად განმინდეს ტერიტორია. დღეს აქ საყოფაცხოვრებო ნაგავს აღარ ყრიან.

მეორე ინიციატივა, რომელიც განახორციელეთ, იყო „ბუნებრივი ახალი წელი ყველას“ (ინიციატივა ეკუთვნის მარიამ მაისურაძეს, მე-10 კლასის მოსწავლე). ბავშვთა უფლებების კონვენციის მიხედვით, ყველა ბავშვი უნდა ცხოვრობდეს მისთვის შესაფერის გარემო პირობებში, მასზე უნდა ზრუნავდნენ მშობლები და სახელმწიფო. ჩვენთვის უფრო მნიშვნელოვანია, თუ თანატოლები დაეხმარებიან ერთმანეთს, გამოხატავენ თანადგომას მათ მიმართ. აქაც შეხვდათ კლუბის წევრებს სირთულეები – ახალი წლის წინა დღეებში დიდი ორგანიზაციები დაკავებული იყვნენ თავიანთი საახალწლო აქციებით და გაუჭირდათ სპონსორების მოძიება, ამიტომ მოსწავლეებმა საკუთარი ნახატები სიმბოლურ ფასად გაყიდეს; სკოლაში დადგეს საქველმოქმედო ყუთი და შეგროვილი თანხით იყიდეს ხილი, ტკბილეული და 30 დეკემბერს ქუჩის ბავშვებსა და მო-

სუცებს დაურიგეს.

კლუბის წევრების მოტივაცია მნიშვნელოვნად გაიზარდა მას შემდეგ, რაც პროექტმა „უსაფრთხო გზა ქვეითს“ გაიმარჯვა მცირე საგრანტო კონკურსში და დაფინანსდა 450 დოლარის ოდენობით. პროექტის მიზანი იყო მოსახლეობისთვის საგზაო წესების დაცვის აუცილებლობის შესახებ ინფორმაციის მიწოდება. პროექტში მე-9 კლასის მოსწავლეებმა (ლუკა დოლიძე – ხელმძღვანელი, ირაკლი მანაგაძე, ლუკა ჯაფარიძე, გვანცა ბერიძე და ნათია გვარამია) მთელი სკოლა ჩართეს და რამდენიმე საინტერესო აქტივობა განახორციელეს – დებატები, ტრენინგები, თემში გამართული საინფორმაციო აქციები, თემატური ვიდეორგოლის გადაღება და სოციალური ქსელით გავრცელება. ასევე აღსანიშნავია, ფლემ-მოზი, რომელიც კლუბის წევრებმა №186 საჯარო სკოლის დაწყებითი კლასების მოსწავლეების დახმარებით დადგეს და საზოგადოებას საგზაო წესების შესახებ ინფორმაცია ორიგინალური გზით მიანოდეს. გარდა საზოგადოების ინფორმირებისა, სკოლის მიმდებარე ტერიტორიაზე გადასასვლელის დახაზვასთან დაკავშირებით, მოსწავლეებმა ადვოკატირების პროცესი აწარმოეს და, მათი ინიციატივის საფუძველზე, თბილისის მერიამ აღნიშნულ ტერიტორიაზე გადასასვლელის მოსაწყობად ტენდერი გამოაცხადა. პროექტი „უსაფრთხო გზა ქვეითს“ წარმატებული ვერ იქნებოდა, რომ არა ქალაქის მერიის, შსს-ს საპატრულო პოლიციის დეპარტამენტის მოძრაობის უსაფრთხოების განყოფილებისა და საბურთალოს რაიონის გამგეობის მხარდაჭერა პროექტის განხორციელების სხვადასხვა ეტაპზე.

პროექტის დასკვნით პრეზენტაციაზე მონაწილე იყო საბურთალოს რაიონის მასობრივი დეპუტატი, გარემოს დაცვის კომისიის თავმჯდომარე შორენა ბუხრაშვილი, რომელმაც მხარი დაუჭირა პროექტს და კლუბის წევრები საკრებულოში დარბაზისადმი თამარ მეფის სახელდების ღონისძიებაზე მიიწვია, მოსწავლეებს საკრებულოს მუშაობის სპეციფიკა გააცნო. კლუბის მუშაობით დაინტერესებულია და აქტიურად ეხმარება მოსწავლეებს სკოლის დირექტორი მია გრიგოლი, კლუბის მუშაობაში ჩართული არიან მშობლები.

მიღწეულმა წარმატებებმა ჩართულობის ზრდა გამოიწვია. დღეს კლუბში 38 წევრია. შეკრებებზე განიხილავენ პრობლემებს, არჩევენ პრიორიტეტებს. პროგრამის ფარგლებში, განახორციელეს შემდეგი ინიციატივები:

1. „არა პოლიეთილენს“ – ინიციატივა ეკუთვნის ნინო ქვეციშვილს (მე-9 კლასის მოსწავლე). მოიძიეს ინფორმაცია, თუ რა ეკოლოგიურ

პრობლემებს იწვევს პოლიეთილენის მოხმარება. გადაიღეს ვიდეორგოლი და გაავრცელეს სოციალური ქსელის საშუალებით. ინიციატივის დასკვნით ეტაპზე ჩაატარეს აქცია „არა – პოლიეთილენს“, რასაც მოსახლეობა დადებითად შეხვდა. ბევრმა მათგანმა პირობა მისცა მოსწავლეებს, რომ, შეძლებისდაგვარად, გაითვალისწინებდნენ მათ რჩევას.

2. „დედამინა ჩვენი სახლია“, ინიციატივა ეკუთვნის ანა გუსოევას და მარიამ მაისურაძეს (მე-10 კლასი). ინიციატივის ფარგლებში, მოეწყო ფილმის ჩვენება – „კაცი, რომელიც უნდა გავხადო“, გაიმართა დისკუსია; მარიამ მაისურაძემ და ანა გუსოევამ მონაწილეობა მიიღეს კონკურსში „ჩემი დედამინა“; კონკურსის ფარგლებში, ანა გუსოევა დაჯილდოვდა მონაწილეებით, ხოლო მარიამ მაისურაძე საბურთალოს გამგებელმა ბექა მიქაუტიძემ დააჯილდოვა.

3. ინიციატივა „რა? სად? როდის?“ – სამოქალაქო განათლება“ ეკუთვნის ირაკლი მანაგაძეს (მე-9 კლასის მოსწავლე), რომელმაც მონაწილეობდნენ: №65 საჯარო სკოლის გუნდი „მომავლის ლიდერები“, №102 საჯარო სკოლის გუნდი „თანასწორობა“, №171 საჯარო სკოლის გუნდი „კრეატიული ახალგაზრდობა“, №186 საჯარო სკოლის გუნდი „დელტა“, №192 საჯარო სკოლის გუნდი „ჯენეზი“ და კერძო სკოლა „ვიქტორის“ გუნდი „როსონერი“. საბოლოოდ, წამყვანის წინააღმდეგ, ითამაშა გამარჯვებულმა გუნდმა „როსონერი“ და გაიმარჯვა 6:5.

4. „დავუთმობ დრო ნიგნს“ ინიციატივის (ნინო ქვეციშვილი, მე-9 კლასის მოსწავლე) ფარგლებში, მოეწყო ბაკურ სულაკაურის გამომცემლობის წიგნების გამოფენა-გაყიდვა. მონაწილე იყო ნიგნის „ბესტსელერი“ ავტორი ბექა ადამაშვილი.

5. 9 მაისს, ვაკის პარკში, ფლაიერებისა და პლაკატების ფონზე, მოსწავლეებმა მოაწყვეს აქცია „მშვიდობა მსოფლიოს“, ესაუბრნენ ომის ვეტერანებს.

კლუბის წევრები აქტიურად მონაწილეობენ პროგრამის „მომავლის თაობა“ მიერ დაგეგმილ ღონისძიებებში: ტრენინგებში, აქციებში, ცნობილ ადამიანებთან შეხვედრებში, პარტნიორი სკოლების მიერ ორგანიზებულ ღონისძიებებში. დაესწრნენ გაეროს მიერ ორგანიზებული „უსაფრთხო გზების“ მესამე კვირეულის გახსნას. კვირეულის ფარგლებში, „საქართველოს აღიანსი უსაფრთხო გზებისათვის“ აღმასრულებელმა დირექტორმა მია ქობალიამ მოგვანოდა ფილმები, რომელთა ჩვენება-განხილვა მოეწყო.

სამოქალაქო განათლების სასკოლო პროგრამის ხარისხის გაუმ-



ჯობების მიზნით, ამავე პროგრამის ფარგლებში, შეიქმნა დამხმარე სახელმძღვანელოები. საგაკვეთილო პროცესში, სხვა დამხმარე სახელმძღვანელოებთან და რესურსებთან ერთად, ვიყენებ სახელმძღვანელოებს – „როგორ გავხადო აქტიური მოქალაქე“ და „თანამშრომლობა საზოგადოებრივი სარგებლისათვის“. მათი მეშვეობით მოსწავლეებს უვითარდებთ აქტიური მოქალაქეობრივი უნარ-ჩვევები (სახელმძღვანელოები უფასოდ გადაეცათ მოსწავლეებს). კლუბური მუშაობა ხელს უწყობს საკლასო ოთახში მიღებული ცოდნის პრაქტიკაში დანერგვას, სხვადასხვა საფეხურის მოსწავლეთა თანამშრომლობას, სოციალური უნარების გან-

ვითარებას. მოსწავლეთა მოტივაციის მიზნით, ვაწყობთ პრეზენტაციებს, წარმატებულებს ვაჯილდოვებთ სერტიფიკატებითა და წიგნებით, კლუბს ჰყავს საინფორმაციო მენეჯერი ირაკლი მანაგაძე (მე-9 კლასის მოსწავლე) და აქვს გვერდი facebook-ზე – www.facebook.com/pages/186-საჯარო-სკოლის-სამოქალაქო-განათლების-კლუბი-დელტა, სადაც ასახულია კლუბის მიერ განხორციელებული აქტივობები.

ნინო ბერიკაშვილი
სსიპ ქალაქ თბილისის
№186 საჯარო სკოლის
სამოქალაქო განათლების
მასწავლებელი



სასკოლო აქტივობა

მწერალი, რომელმაც ერთი ჩვეულებრივი მოსწავლე რადიკალურად შეცვალა

ბავშვის მხოლოდ ჩარჩოებში ჩასმა, ეს ბუღბუღლის ოქროს გალიაში დამწყვედევია, რომელიც ბრწყინვალედ გალობს, მაგრამ სივრცეს არ იცნობს.

გიორგი კეკელიძე, 1998 წ.

ჩვენი თაობის უმეტესობამ ბატონი გიორგი კეკელიძის შემოქმედება ბესტსელერ „გურული დღიურების“ მეშვეობით გავიცანით.

წიგნის პრეზენტაციას საქართველოს პარლამენტის ეროვნულ ბიბლიოთეკაში დავესწარით, რამაც დიდი შთაბეჭდილება მოახდინა ჩვენზე. ასეთ ცერემონიაზე პირველად ვიყავით, იქიდან ამჟამად წამოვიდეთ, წამოვიდეთ ყველას მწერლობა მოგვინდა. სკოლაში მისი ფრაზებით დავინწყეთ საუბარი: „გზა, რომელიც ავირჩიეთ, არ იცვლება. იცვლება ნიშნები, რომლებიც ამ გზაზე გვაყენებს, ან მას გვაშორებს, მალევიარებიც იცვლებიან.“

პირველი ქართული ინტერნეტბლოგი იყო, რომელიც ათი ათასზე მეტ ორიგინალ და ნათარგმნ ტექსტს მოიცავს და ა.შ. ალბათ ბევრმა ჩვენმა თანატოლმა არ იცის, რომ მას, „გურული დღიურების“ გარდა, უამრავი რამ აქვს დაწერილი.

ქალბატონი ნათია კობახიძის დახმარებით საქართველოს პარლამენტის ეროვნულ ბიბლიოთეკაში მოვიხიეთ ლექსები, რომლებიც იმდენად დიდი ხნის წინ დაუნერია, ჩვენთან სტუმრობისას რომ წაუკითხეთ, გაცოცხლდა და სიცოცხლით თქვა: „თან მეცნო და თან გამიკვირდა, კიდევ ვინმე თუ კითხულობდა ამ ლექსებს“.

ლექსები VII კლასის მოსწავლეებმა: ლიკა ხოსიაშვილმა, ანი ჯაჭვაძემ, ანი დგებუაძემ, ნატა ბეშიტაიშვილმა და მარიკო მიქაძემ წაიკითხეს.

შეხვედრის წინ, ლონისძიების



მოსწავლეებმა: სოფო ჯანაშივილი, ნანა გოგიაშვილი, იზაბელა ვარდანიანი, ნანა ჩაჩანიძე, მარიამ ნეფარიძე, ელენე ხართიშვილი და ქრისტინე გოცირიძე „გურული დღიურებიდან“ ამონარიდები წაიკითხეს.

გივი და ანანო მუმლაძეებმა ვირტუალურად გვამოგზაურეს გურიაში, წაიკითხეს ბაბუის - იური ნიკოლაიშვილისა, და ბებუის - თამარ თევზაძის ლექსები, რათა წარმოეჩინათ, თუ რამდენად ნიჭიერი ხალხია გურულები. „მსოფლიო ორ ნაწილად იყოფა: გურულები და დანარჩენი“ („გურული დღიურები“).

გივი მუმლაძეს გაკვეთილზე მასწავლებლები ერთ-ორ სიტყვას თუ ათქმევინებენ, ლონისძიებაში მოსწავლეობის მიღება იმდენად უნდოდა, რომ 180 გრადუსით შემობრუნდა. ასე შეცვალა გიორგი კეკელიძემ ერთი ჩვეულებრივი მოსწავლის დღეგანდებლობა.

„ცხენოსანი გურული, რატომღაც უფრო კარგი სიტყვათმთავანებაა ვიდრე ნაოსანი გურული“ („გურული დღიურები“). ამ სიტყვებმა დაგვანტერესა და წარსულში მოგვინა მოგზაურობა, გავცანით გურული ცხენოსნების ბიოგრაფიას. „1880 წელს სახლიდან გაქცეული 14 წლის ბავშვი ბიჭი ივანე მახარაძე ბათუმში გემზე ავიდა და ამერიკაში მოხვდა. 1887 წელს ამერიკაში ცირკში გამოსასვლელად ჩავიდა ცნობილი შოუმენის „ბაფალო ბილის“ მოწვევით საქართველოში შეკრებილი მოჯირითეთა გუნდით. 4 წლის განმავლობაში წარმატებული გამოსვლებით თითქმის მთელი ამერიკა ააღაპარა, უამრავი ჯილდო და საჩუქარი მიიღო, მათ შორის ცხენოსანთა აკადემიის საუკეთესო მხედრებისთვის - გაჭენებული ცხენის ფორმის ოქროს მედალი“ (რუსუდან დაუშვილი, „ქართული ემიგრაცია ამერიკაში“).

ამაყები ვართ, რომ თქვენი სახით შევიძინეთ მეგობარი და გზამკვლევი თანამედროვე ქართულ ლიტერატურაში. დასასრულს გიორგი კეკელიძემ ჩვენ შეკითხვებს უპასუხა, გვესაუბრა და საინტერესო რჩევა-დარიგებებიც მოგვცა.

„სკოლა ადამიანს პრობლემებთან ჭიდილს ასწავლის, ცხოვრებაში მოგვინა მოგზაურობა, გავცანით გურული ცხენოსნების ბიოგრაფიას. „1880 წელს სახლიდან გაქცეული 14 წლის ბავშვი ბიჭი ივანე მახარაძე ბათუმში გემზე ავიდა და ამერიკაში მოხვდა. 1887 წელს ამერიკაში ცირკში გამოსასვლელად ჩავიდა ცნობილი შოუმენის „ბაფალო ბილის“ მოწვევით საქართველოში შეკრებილი მოჯირითეთა გუნდით. 4 წლის განმავლობაში წარმატებული გამოსვლებით თითქმის მთელი ამერიკა ააღაპარა, უამრავი ჯილდო და საჩუქარი მიიღო, მათ შორის ცხენოსანთა აკადემიის საუკეთესო მხედრებისთვის - გაჭენებული ცხენის ფორმის ოქროს მედალი“ (რუსუდან დაუშვილი, „ქართული ემიგრაცია ამერიკაში“).

კი - გამოყენებას“. - გიორგი კეკელიძე 1998 წელი.


ზოგადად გიორგი კეკელიძე სასკოლო „გავსებებს ორ ნაწილად ჰყოფს: ერთი - ლეგალური, მეორე - ნაკლებად, თუმცა მაინც ყველასათვის მიღებული და აღიარებული - შატალო. ლეგალურში ვგულისხმობთ სტუმრობას მუზეუმში, მონაწილეობას სასკოლო ტურებში, ოლიმპიადებში“.

„ერთხელ არ ყოფილარა ბაღები ექსკურსიაზე“.

ექსკურსიაზე კი ვყოფილვართ, მაგრამ წიგნების ფესტივალზე, 28 მაისს, წამდვილად პირველად ვიყავით.

ნუ გაუკვირდებათ და ეუცხოვებათ ჩვენს თანატოლებს, რომ აქ განცდილი ბედნიერება წამდვილად აღემატება „შატალოზე“ მიღებულ უჩვეულო მღელვარებასა და კმაყოფილებას.

ნინო ჟორჟოლიანი, ნინა სალიანიშვილი
კერძო სკოლა-ლიცეუმის „მწიგნობართუცესი“ მე-2 კორპუსის VIII კლასის მოსწავლეები



გავეცანით მის ბიოგრაფიას. მხოლოდ 31 წლისაა, თუმცა უკვე ძალიან ბევრს მიაღწია - პრემია „საბას“ ლაურეატი, მიღებული აქვს ლიტერატურული პრემია „ოქროს ფრთა“, არის ეროვნული ბიბლიოთეკის Lib.ge-ს დამფუძნებელი და მთავარი რედაქტორი. Lib.ge

ბოლო შტრიხებს ვაზუსტებდით, ამ დროს ბიბლიოთეკაში ისე შემოვიდა, ვერც გავივით. უცებ ერთმა დაიძახა: „მოვიდა!“ ჩვენს სიხარულს საზღვარი არ ჰქონდა, ბოლო წუთამდე ვერ ვიჯერებდით, რომ განერილი დღის გრაფიკაში დროს ჩვენთვისაც გამოძებნიდა.



ინფორმაცია

საკოორდინაციო შეხვედრა პროფესიული განათლების თემაზე

ქობულეთში პროფესიული განათლების ინსტიტუციური შეფასების ვალიდაციის სემინარი და პროფესიული განათლების სტრატეგიის სამოქმედო გეგმის განხორციელების საკოორდინაციო შეხვედრა გაიმართა. ინსტიტუციური შეფასება ევროპის განათლების ფონდის მეთოდოლოგიის მიხედვით დაიგეგმა და გულისხმობს პროფესიული განათლების ძირითადი დაინტერესებული მხარეების ინსტიტუციური და ინდივიდუალური შესაძლებლობების შეფასებას.

ოლივერ დიზი, პროფესიული განათლების პოლიტიკის ექსპერტი: „ჩემს გამოცდილებას მაქსიმალურად ვაუზიარებ იმ ადამიანებს, რომლებიც პროფესიული განათლების დარგში მუშაობენ. ჩვენ საქართველოში ვახორციელებთ დასაქმებისა და პროფესიული განათლების ტექნიკური დახ-

მარების პროექტს. ვფიქრობთ, ამ პროექტის დასრულების შემდეგ, საქართველოში, პროფესიული განათლების დონე უფრო მაღალი იქნება და ამ სფეროში მომზადებული კადრები - უფრო კვალიფიციური.“

ქეთევან ნატრიაშვილი, საქართველოს განათლებისა და მეცნიერების მინისტრის მოადგილე: „პროფესიული განათლების რეფორმირებაში ჩავრთეთ დამსაქმებლები. სწორედ მათ ვეკითხებით, როგორი კურს-დამთავრებული სჭირდებათ, როგორი კადრები უნდა მოვუზადათ იმისათვის, რომ უკეთესი იყოს დასაქმების მაჩვენებელი. ამ პროცესში განათლებისა და მეცნიერების სამინისტროს მხარდამჭერები არიან სოციალური პარტნიორები და ასევე ევროკავშირის დიდი პროგრამა - ტექნიკური დახმარების პროექტი.“



სპორტი

მოჭილავე გოგონები მოგვიმრავლდნენ

გასულ უქმეებზე, თურქეთის ქალაქ იზმირში, ჩატარდა მაკმუტ ატალისა და იასარ ერქანის მემორიალი...

გოგონების ჭიდაობას საქართველოში დიდი ხნის ისტორია არ აქვს. შეიძლება ითქვას, ის ახლა იწყებს ალორძინებს და ჯერჯერობით სულ რამდენიმე ქალაქში მუშაობს...

აღსანიშნავია, რომ ეს არაა ჩვენი გოგონების პირველი მედალი - ორიოდე წლის წინ, ისევე თურქეთში, გორელმა გვანცა კარელიძემ (44) ფინალი იჭიდავა...

იზმირში საქართველოს გაერთიანებულმა ნაკრებმა სულ 17 მედალი მოიპოვა - 3 ოქრო, 6 ვერცხლი და 8 ბრინჯაო...



რო, და 4-4 ვერცხლ-ბრინჯაო; ბერძენ-რომაელთა წილად 7 ვილდოა - 2-2 ოქრო-ვერცხლი და 3 ბრინჯაო; ერთი მედალი კი, როგორც გითხარით, გოგონების ნაკრების ნადავლია...

ბერძენ-რომაელთაგან ოქროს მედლებს ჯონი ხეცურაინი (58) და აივენგო რიკაძე (63) დაეუფლნენ, ვიცე-ჩემპიონები - გიორგი შოთაძე (46) და ნიკოლოზ ჭიკაძე (69) გახდნენ...

ეს ტურნირი ერთ-ერთი საკვანძო ეტაპია ევროპის ჩემპიონატისთვის, რომელსაც ორიოდ თვეში, 4-9 აგვისტოს, სერბეთის ქალაქი სუბოტიცა უმასპინძლებს...

სასკოლო ლიბას დასრულდა

31 მაისს დასრულდა „სკოლბურთი-2015“ გათამაშება, რომელსაც სასკოლო სპორტის ეროვნული ფედერაცია ატარებს. გათამაშებამ სტარტი ზამთარში აიღო და რამდენიმე ეტაპად გაიმართა...

ტურნირი თავდაპირველად თბილისში დაიწყო, სადაც მონაწილენი 16 გუნდად იყვნენ დაყოფილი. ამ ჯგუფების 16 გამარჯვებული პირდაპირ გავიდა 1/16-ფინალში...

ფინალში თამაშის უფლება დედაქალაქის 149-ე და 115-ე საჯარო სკოლების გუნდებმა მოიპოვეს. შეხვედრა დაძაბული და საინტერესო გამოდგა, რომელიც საბოლოოდ უგოლოდ დასრულდა...

ბა დიდხანს ვერ შეინარჩუნა - ჯერ სანდრო ქაჯაიამ გაათანაბრა, მერე კი ზურაბ ჯიმშელიშვილმა გადამწყვეტი გოლიც გაიტანა...

საუბ ფუტსალში იყორალა



ფუტსალში სტუდენტური ლიგის წლებანდელი გამარჯვებული სეუ-ს გუნდი გახდა. ფინალი დაძაბული და დრამატული გამოდგა...

სტუდენტური ლიგის წლებანდელი გათამაშება მარტში დაიწყო საუნივერსიტეტო სპორტის ფედერაციის (პრეზიდენტი - ლექსო გუგავა) თაოსნობით...

ორივე შეხვედრა ძალიან დაძაბული გამოდგა და გამარჯვებულებმა მხოლოდ მინიმალური სხვაობით იმარჯვეს. ილიას უნივერსიტეტმა 3:2 მოუგო ტექნიკოსებს...

როგორც თავშივე აღვნიშნეთ, ფინალური პაექრობა დაძაბული გამოდგა და ძირითადი დრო ფრედ დასრულდა, 2:2, პენალტების სერია კი უფრო უკეთ ამირან ცხომარას განვრთნილმა სტუდენტებმა დაარტყეს...

მესამე ადგილზე თსუ-ს გუნდი გავიდა, რომელმაც შესაბამის შეხვედრაში სტუ-ს ნაკრები 4:1 დაამარცხა. მედალოსნები თასებით, მედლებითა და სამახსოვრო პრიზებით დააჯილდოეს.

რუბრიკას უძღვება ირაპლი თაყაიძე

მასწავლებლის გიგანტობა



მასწავლებლის სამუშაო რეპული

მასწავლებლის სამუშაო რეპული პროტფოლიოს განუყოფელი ნაწილია. რეპულის სტრუქტურა საშუალებას აძლევს მასწავლებელს: 1. საჭიროებისამებრ შეავსოს ბაკვეთილის დაბეჭდვის სქემების მოკლე ან სრული ვარიანტები; 2. გააცნოს ბაკვეთილის დაბეჭდვის რეკომენდაციებს; 3. გააცნოს ბაკვეთილის მოკლედ და დეტალურად დაბეჭდვის ნიმუშებს.



დაგრიგების პროტფოლიო

დაგრიგების პროტფოლიო საშუალებას აძლევს დაგრიგებულს აღრიცხოს, გააფორმოს, აღწეროს ეროვნული სასწავლო გეგმის მიხედვით მუხლით განსაზღვრული საშემოსულები. გარდა შესავსები სქემებისა და ცხრილებისა, პროტფოლიო შეიცავს მეთოდურ რეკომენდაციებს, რაც დაეხმარება კლასის დაგრიგებულს პროტფოლიოს წარმოებაში და დაგრიგების საშემოსულის განხორციელებაში.



ინტერაქტიური მეთოდების კრებული

კრებულში აღწერილია ინტერაქტიური სწავლების მეთოდები; მოცემულია თითოეული მეთოდის გამოყენების ეტაპობრივი აღწერა; განხილულია, რა უნარებს ავითარებს თითოეული მეთოდი; დასახელებულია თითოეული მეთოდის გამოყენების წინაპირობა. კრებულში თავმოყრილია 50-მდე მეთოდის აღწერა.



მნიშვნელოვანი შეკითხვები პასუხებით

საინფორმაციო გზამკვლევი აგებულია კითხვა-პასუხის კონცეფციისა და მასში განხილულია მნიშვნელოვანი პრაქტიკული საკითხები: სწავლების, შეფასების, კომუნიკაციის, მოტივაციის, სასკოლო კონფლიქტების, სწავლის თეორიების და სასწავლო გარემოს აპტუალურ საკითხებზე. წიგნი დაეხმარება მასწავლებლებს, პედაგოგებში რეაქტიულობის სტუდენტებს.



კათედრის გაგების პროტფოლიო

კათედრის გაგების პროტფოლიო საშუალებას აძლევს კათედრის გაგების აღრიცხოს, გააფორმოს, აღწეროს ეროვნული სასწავლო გეგმით განსაზღვრული საშემოსულები. შესავსები სქემების, ცხრილებისა და კათედრის სფომის რეკომენდაციები, პროტფოლიო შეიცავს მეთოდურ რეკომენდაციებს, რაც დაეხმარება კათედრის ხელმძღვანელს პროტფოლიოს წარმოებაში და მისი საშემოსულის განხორციელებაში.

შეკენის მსურველები დაგვიკავშირდით: 599 88 00 73, 295 80 23





მიმდინარეობს ხელმოწერა

მხატვრული ლიტერატურა

ათეოდორ ფონტანა - ეფი ბრისტი
მიგელ დელიბასი - ორი რომანი
აკვილ ჰ. ტანინარი - დროის ინსტიტუტი
შან შინონ - ჰუსარი სასურავა
ჯოზეფ კონრადი - ლორდი ჯიმი
რაფაელ საბათინი - ღამეული ბართოპანი
ისტორიის მიღმა
ერნსტ ჰოფმანი - სატანის ელექსირები
ნიკოლაი გოგოლი - რჩეული მოთხრობები
ჯონ გოლდსუორთი - რჩეული მოთხრობები
ვიქტორ ჰიუგო - პარიზის ღვთისმშობლის ტაძარი
უ. სომერსეტ მოემი - ჭრელი საბურველი
ჯეკ ლონდონი - დიდი სახლის პატარა დინასტიის
მონოტი და ბალზაკი - მამა გორიო
ჰენრი რაბიდარ ჰაბარდი - მონტესუას ასული
ლევ ტოლსტოი - კავკასიური მოთხრობები
ჯონათან სვიფტი - გულივერის მოგზაურობა
გოდეფროი და ლაკლო - სახიფათო კავშირები
ალექსანდრე პუშკინი - მოთხრობები
შტეფან ცვაიგი - მოუთმანლობა გულისა
მარგერიტ დიურასი - საყვარელი ჩრდილოეთი ჩინეთიდან
პროსპერ მერიმე - ილევი ვენერა
გილგამეტი კ. ჩისტერტონი - დონ კისოტის დაბრუნება
სტენდალი - წითელი და შავი
ჯონ ბრაინი - გზა ელიტისაკენ
ალბერტო მორავია - მოწყენილობა
ალექსანდრე დიუმა - კავკასია
ჯეიმზ უ. კუპერი - ჯაშუში
მარინ რიდი - კვარტალნი
ვილჰელმ ჰაუზი - ლინტანტინი
თეოდორ დრაიზერი - დიკო კერი
ალბერტ კოენი - დედაჩემი
გუსტავ ფლობერი - მადამ გოვარი
ემილ ზოლა - ქალთა პედნეობა

მსოფლიო ლიტერატურის კლასიკოსები



წიგნი I
ქველი ქართული მწერლობა;
წიგნი II
„ვეფხისტყაოსანი“;
წიგნი III
XIX საუკუნის მწერლობა
თითოეული კრებულის ფასი - 10 ლარი



სავარჯიშო რვეული ქართულ მართლწერაში

წიგნი IV
XX საუკუნის მწერლობა
კრებულის ფასი - 12 ლარი


თამარ გელიტაშვილი,
ამირან გომართელი
9 ლარი

ქართველი მწერლები

- 1. ვახუ-ფხაველა (10-ტომიანი) I-VI ტომი, - 11 ლარი
2. მიხეილ ჯავახიშვილი (7-ტომიანი) II, III, IV, V, VI, VII ტომი - 11 ლარი
3. ლევან გოთუა (7-ტომიანი) I-II ტომი - 16 ლარი
4. ედიშარ ყიფიანი (2-ტომიანი) I-II ტომი - 15 ლარი
5. კონსტანტინე გამსახურდია (10-ტომიანი), I, II, VI, VIII, IX, X ტომი - 16 ლარი
6. რევაზ ინანიშვილი (6-ტომიანი) I, II, III, IV, V, VI ტომი - 12 ლარი
7. ვახტანგ ჭილიკი (9-ტომიანი) I-VII ტომი - 12 ლარი
8. ბრიგოლ აბაშიძე (6-ტომიანი) I-V ტომი - 12 ლარი
9. ოტია იოსელიანი (10-ტომიანი) I-X ტომი - 12 ლარი
10. თამაზ ჭილაძე (6-ტომიანი) I-VI ტომი - 10 ლარი
11. გოდერძი ჩოხელი (5-ტომიანი) I, III, V ტომი - 13 ლარი

მითითებულია თითო ტომის ფასი

თითო ტომის ფასი 14 ლარი



თამაზ ვასაძე
კომენტარული
ტექსტი და
ანალიტიკური
გზამკვლევი

10 ლარი




შოთა რუსთაველი
ვეფხისტყაოსანი
ბაჩანა ბრეგვაძის
კროზოული ვერსია
სერიიდან
ინტელექტი სკოლას

ფასი - 15 ლარი

12 ლარი
თითო ტომის ფასი

- ავტომობილი
ამინდი
სამშრანი
უღაბნო
ბაგოტონებები
ბანძის ქივაბი
გლადიატორები
დრო და კალენდარი
ქველი ეგვიპტე
ეპროვა
ვიკინგები
ფიზიკა
ქიმიკა
მეკობრეები

- ახსნილი და აუხსნელი ფენომენები
კოშკები და ცათამბჯენები
ხალხთა დიდი გადასახლება
უკველესი ადამიანები
ოლიმპიური თამაშები
კრიმინალისტიკა
მათემატიკა
მეცნიერებები
ქველი რომი
ქველი საბერძნეთი
მთები
ჯანსაღი კვება
არქიტექტურა



რა პარის რა

ხელმოწერის თანხა გადმორიცხეთ რეკვიზიტებზე:

მიმღები - შპს „ახალი განათლება“,
ს/კ 202058735, ა/ა GE93LB0113314052305000,
ს/ს „ლიბერთი ბანკი“, ბ/კ LBRTGE22

ყურადღება! ფიზიკურმა პირებმა, თანხის გადმორიცხვისას,
მიუთითეთ პირადი ნომერი

დაწყებითი
კლასებისთვის

ფორმატი A2 (42X59.4 სმ)

- 1. წელიწადის დროები:
ფიგურა - ზამთარი
2. წელიწადის დროები:
გაზაფხული - ზაფხული
3. ფერები
4. გარეული ცხოველები
5. გარეული ფრინველები
6. პოეზიები
7. რიცხვები
8. შინაური ცხოველები და ფრინველები
9. ჰიგიენის ნივთები
10. საუკუნო ნივთები
11. ტრანსპორტი
12. წყლის ბინადრები
13. რუსული ანბანი
2.50 ლარი

მალაღი
კლასებისთვის

ფორმატი A1 (59.4X84.1 სმ)

- 1. რელიგიის წარმოშობა
2. გარეული ფრინველები საბერძნეთში
3. გარეული ცხოველები საბერძნეთში
4. მწერები
5. ძველბრძნული საბერძნეთი
6. საბერძნეთის მცენარეები
7. საზღვარი წარმოშობა
8. ნიადაგი - სიცოცხლის წყარო
9. რეპტილიები და დინოზავრები
10. მსოფლიოს დროები
11. ზღვის დინამოები
12. თიხური ელემენტების პერიოდული
სისტემა
13. ქართული ენის წარმოშობა და
საბერძნეთში ტექნიკა
14. მსოფლიოს შვიდი საოცრება
4 ლარი

მწერალთა
კორტიკები (34X47 სმ)

- 1. მიხეილ ჯავახიშვილი
2. მიხეილ ლეონიძე
3. ირაკლი აბაშიძე
4. ნოდარ დუმბაძე
5. პაპი ნეკრესელი
6. კონსტანტინე გამსახურდია
7. პოლო ნაზვილი
8. სულხან-საბა ორბელიანი
9. პოლიკარპე კაკაბაძე
10. გურამ რეაზურიშვილი
11. დავით გურამიშვილი
12. გიორგი
13. რევაზ ინანიშვილი
14. თეიმურაზ I
15. ვახტანგ VI
16. გიორგი მერაბული
17. ბრიგოლ ორბელიანი
18. დავით აღმაშენებელი
4 ლარი

რეკრუდუქციები

- 1. ჰერაკლიტის ფიცი - შაკ-ლუი დავიდი
2. მფხვთა თამბაქოსი - დომენიკო
ბირლანდო
3. ადელ ზღო-გაბრიელის პორტრეტი -
გუსტავ კლიმტი
4. მინიკა - დიმიტრი ველანტი
5. დელფინი სიბილა - მიხაელანჯელო
6. მხატვრის ბაღი - კლუდ მონე
7. უკლები შვილის დაბრუნება -
რეზინანდტი
8. საბანო - ოგიუსტ რენუარი
9. საპირბო გაბრიელა ბრან შატის-
კუნძული - ჟორჟ სიორა
6.5 ლარი

მითითებულია
ერთი ცალის ფასი


თამაშური კლასები

თუოხიიდან ჰაქციკისკენ

ბავშვის შემოქმედების ერთ-ერთი მთავარი და ყველაზე საყვარელი ობიექტი ადამიანია. ასიდან 70 შემთხვევაში ის პატარა მხატვრის ყურადღების ცენტრშია. ამაში კი თანამედროვე ცხოვრების წესია დამნაშავე – ადამიანი ჯერ ყველგან და ყველაფერში არ შეუცვლია მანქანას, პატარა ჯერ კიდევ გარემოცულია დედ-მამის, ბებია-ბაბუების ყურადღებით და ასე შემდეგ. პატარა ბავშვი პირველი გაღიშებისთანავე არა მარტო ყველასათვის ძვირფას არსებად იქცევა, არამედ იმ არსებადაც, რომელიც ღვიძლით გვიდასტურებს ურთიერთობისთვის მზადყოფნას.

უფროსებზე და მოკიდებულნი, გაუნდლები თუ არა პატარას ადამიანებისადმი ინტერესი. ეს ძალზე მნიშვნელოვანია ბავშვის სოციალიზაციისთვის და უბრალოდ იმიტომ, რომ ადამიანი მაშინ არის ჭეშმარიტად ბედნიერი, როცა მას უყვარს და როცა ის უყვართ, როცა მისი ესმით და თავადაც ესმის სხვების, როცა თანაუგრძნობს ადამიანებს. ეს ყველაფერი ერთგვარი ნიჭია და ის ბავშვს რაც შეიძლება ადრე უნდა განუვითაროთ. სწორედ ამ საქმეში წარუმატებლობაზე მოგვიხსენიებენ ბავშვების ნახატები, სადაც უსულო საგნების გამოხატულება ავიწროებს ან სრულიად გადაფარავს ოჯახის წევრთა სურათებს. საუკეთესო შემთხვევაში ადამიანები სურათზე გამოსახული საგნების უმნიშვნელო დანამატები ხდებიან. თუ ბავშვის ნახატებს შეინახავთ, შეძლებთ, თვალი მიადევნოთ, როგორ იცვლება ადამიანის გამოსახულება მხატვრის ასაკთან ერთად. ის თავდაპირველად წარმოადგენს სრულ ან ოვალს, რომელსაც პირდაპირ უერთდება ხელები და ფეხები (ასე ხატავენ 3-4 წლის პატარები), ბოლოს კი ნამდვილი ადამიანის სახეს იღებს, რომელსაც ტანსაცმლის დეტალებიც კი კარგად აქვს დახატული. ექვსი წლისთვის ბავშვი, როგორც წესი, სრულყოფილად ფლობს ადამიანის თუნდაც რთულ სივრცულ რაკურსებში გამოსახვის ნიუანსებს და რთული ნახატების შესრულებას იწყებს. ამ ნახატებს აქვს მრავალფეროვანი ფონი, რომელსაც ქმნიან შენობები, მანქანები, ცხოველები, ნივთები. ისინი პერსონაჟის პროფესიას ან საქმიანობას გადმოგვცემენ. ასაკის მატებასთან ერთად მხოლოდ ადამიანის გამოსახვის ტექნიკა როდი განიცდის სრულყოფას – ბავშვი ცნობიერად თუ გაუცნობიერებლად ნახატზე ასახავს საკუთარ დამოკიდებულებას ამ პიროვნების მიმართ. მხატვარი ყურადღებით იკვლევს ადამიანებს და საკუთარ თავს. წარმოსახვისთვის შეუდარებლად მეტ საზრდოს გვანდის ავტოპორტრეტი, რომელიც ზუსტ ინფორმაციას შეიცავს პატარა ბავშვის მომავალი პროფესიული გატაცებებისა თუ ხასიათის შესახებ. ძალიან საინტერესოა ავტოპორტრეტის ევოლუცია, ასაკთან ერთად გემოვნების, მისწრაფებების, ინტერესების ცვლილება. ექვსი წლისთვის საკუთარი ინტერესების გამოსახატავად პატარები უმდიდრეს პალიტრას იყენებენ. გოგონები, წესისამებრ, ხატავენ კაბებს, თაიგულებს, ბიჭები – სხვადასხვა სამუშაო თუ საბრძოლო იარაღს.

ზოგჯერ ბავშვები სხვადასხვა ადამიანს



ერთნაირად ხატავენ. ეს შესაძლოა ემოციური განვითარების ერთგვარ შეფერხებასთან იყოს დაკავშირებული, თუმცა უფრო ხშირად ამ ერთფეროვნების მიზეზია გამოსახული ადამიანების ერთნაირი სოციალური როლი. მაგალითად, ბავშვმა შესაძლოა ერთნაირად დახატოს თანაკლასელები. მიზეზი გასაგებია – ყველა მოსწავლეა. დახატული ადამიანებისადმი მხატვრის დამოკიდებულებას, გარდა ფერისა, წარმოაჩენს ისეთი დეტალებიც, როგორებიცაა აქსესუარები, ფეხსაცმელი, ლილეები, ჯი-

ბეები, საყურეები... ასეთი აქსესუარები საყვარელ ადამიანს უფრო მეტად ამშვენებს, ვიდრე იმას, ვინც პატარას არ უყვარს. ბავშვის ნახატები მნიშვნელოვან ინფორმაციას გვანდის ოჯახური ურთიერთობის შესახებ. დედა, რომელიც ამზადებს კერძებს, შლის სუფრას, ალაგებს ბინას და მამა, რომელიც გაზეთს კითხულობს ან მანქანას არემონტებს, თანამედროვე ოჯახური ურთიერთობების ასახვაა. ასეთი ნახატები პროფესიონალი მხატვრების ნამუშევრებზე ნაკლებად როდი მეტყველებს თანამედ-

როვე ყოფაზე. მიუხედავად იმისა, რომ პატარები რეალისტები არიან, ისინი ფანტაზიორბასაც აგრძელებენ. მათ ძალიან მოსწონთ, როდესაც საკუთარი თავისა და ახლობლების ცხოველებად გამოსახვას ავალბენ. თუ პატარა ბავშვს ასეთ დავალებას მისცემთ, სიბრძნე და მოთმინება გმართებთ, თუნდაც პატარამ თქვენთვის სავსებით არასიმპათიური ცხოველის როლი დაეკისროთ. ერთ დედას მეტისმეტად ეწყინა და აგრესიულად დაიწყო იმის გარკვევა, რატომ დახატა ბავშვმა გველის სახით. არადა, საკმარისი იყო ცოტათოდენი მოთმინება და სიმშვიდე, რათა დედას სასიამოვნო პასუხი მიეღო – ბავშვმა ხაზი გაუსვა მის სიბრძნეს, გრაციოზულობას. შესაძლოა, ახსნა არც ისე სასიამოვნო აღმოჩნდეს. მრისხანება ამ შემთხვევაშიც დაუშვებელია. თქვენ ვალდებული ხართ დაუფიქრდეთ მიზეზს. შესაძლოა, სადღაც შეცდით, ბავშვის აზრით, მეტისმეტად მკაცრი ან უსამართლო იყავით. შეეცადეთ, უფრო მომთმინი, რბილი გახდეთ (ოდნავ მაინც!) და ბავშვი აღარ დახატავს ოჯახურ პორტრეტს, რომელზეც ცენტრში უახლოესი ადამიანების ნაცვლად ძალღი ან თუთიყუში არიან, ვინაიდან ყველაზე მეტ სიახლოვეს სწორედ მათთან გრძნობს. ზოგჯერ ბავშვის ნახატში რომელიმე უფროსი ან თავად ნახატის ავტორი არ ჩანს. პატარები მიზეზსაც განმარტავენ: „დედა ჩემს უმცროს დას ასეირნებს“ ან „მე ბებოსთან დამტოვეს“. ჩვეულებრივ, ასე რეაგირებენ უფროსი ბავშვები ოჯახში უმცროსის გაჩენაზე. ეს საგანგაშო სიგნალია მშობლებისთვის და მიუთითებს, რომ უფროსი შვილი თავს ოჯახური ცხოვრებისგან იზოლირებულად, განცალკევებულად, გარიყულად გრძნობს. მშობლები უნდა ეცადონ, უფროსი შვილი საოჯახო საქმიანობაში ჩართონ, დააკისრონ (რასაკვირველია, ასაკის შესაფერისად) პატარაზე ზრუნვის საპასუხისმგებლო მისია. ბავშვი უნდა დაინახოს, რომ მშობლების სიყვარული მის მიმართ კი არ განახევრდა, არამედ გაორმაგდა. ერთი შეხედვით შესაძლოა მოგეჩვენოს, რომ ბავშვის ნახატების ანალიზი სულაც არ არის რთული, მაგრამ ამავე დროს მშობლებმა თავი უნდა არიდონ მკაცრ ფორმულირებას და ფსიქოლოგიური დიაგნოზის დასმას, რადგან არსებობს უამრავი ნიუანსი, რომლებსაც მხოლოდ სპეციალისტები, ბავშვთა ფსიქოლოგები იცნობენ.

გარდა ამისა, ადამიანი, რომელიც ნახატს ანალიზებს, ბავშვის ქმნილებას საკუთარ პრიზმაში განიხილავს, საკუთარ გამოცდილებას და სულიერ მდგომარეობას უსადაგებს. ამიტომაც არ არის რეკომენდებული შორს მიმავალი დასკვნების დამოკიდებულად გამოტანა. თუ მიგანიათ, რომ ბავშვის სურათზე რაღაც ძალზე საყურადღებო და, უფრო მეტიც, საგანგაშოა გამოსახული, ჯობს, სპეციალისტს მიმართოთ. იმედია, მისი დახმარებით ყველაფერს დაძლევთ.

მარიკა ღვალაი

mkurnali.ge



ახალი განათლება

მთავარი რედაქტორი: მარიკა ჩიქოვანი

მისამართი: 0102 თბილისი, ტაბალაშვილის ძ. №3
ტელ.: 032 295 80 23, 599 880073
www.axaliganatleba.ge axaliganatleba@gmail.com

რედაქციის საბანკო რეკვიზიტები: შპს „ახალი განათლება“ ს/კ 202058735
ა/ა GE86BG000000123631000GEL, ს.ს. „საქართველოს ბანკი“ ზ/კ BAGAGE22,

რედაქციაში შემოსული ხელნაწერები არ რეცენზირდება და ავტორებს არ უბრუნდებათ.

ISSN 2233-386X

